



麗水縣志

ル 5
3140
3



門 儿 5
3140
卷 3

麗水縣志卷之四

麗水縣知縣黃平彭潤章重修

田賦 各都圖田地字號及鹽課附

麗邑準土境於浙縣中廣為尤而賦額僅得下中以少田多山山又積石鮮滋殖不能計畝責課也
有越人令楚者援越例強求山課欲見能上官幾
激變令旋罷去夫病民以利已君子所不出乃卒
以自厲焉夫何為哉

田

原額田貳千叁百壹拾柒頃柒拾貳畝有奇雍正元

年丈量於十二年報竣冊內缺原額田叁拾柒頃

捌拾壹畝有奇自乾隆九年至三十八年內共七次陸續開墾補足原額除雍

正七年置買藉田肆畝玖分坐落二十八都馬鳴莊先農祠前又

除歷年積荒荒逋水冲石壓等案六次 題準豁

免田捌百壹拾叁頃伍拾玖畝有奇今額田壹千

伍百肆頃柒畝有奇每畝征銀柒分伍釐九毫六忽米一升三合三勺八抄

實徵民田銀壹萬壹千肆百壹拾陸兩有奇

實徵米貳千壹拾貳石肆斗柒升有奇

地

原額地肆百柒頃伍拾伍畝有奇雍正九年丈量於

十二年報竣冊內增原額地肆拾陸頃貳拾玖畝

有奇除雍正七年置買壇壝基地壹畝捌分又除

歷年積荒荒逋水冲石壓等案六次 題準豁免

地壹百壹拾玖頃伍拾柒畝有奇今額地叁百叁

拾肆頃貳拾陸畝有奇每畝徵銀柒分伍釐九毫六忽米壹升叁合叁勺八抄

實徵民地銀貳千伍百叁拾柒兩有奇

實徵米肆百肆拾柒石貳斗肆升有奇

沙地

原額水漲沙地玖頃玖拾壹畝有奇雍正九年丈量

於十二年報竣册內增原額沙地叁頃貳拾叁畝
 有奇歷年開墾陸科又增沙地貳拾柒頃肆畝有
 奇除歷年水冲坍荒三次案內 題準豁免沙地
 柒頃陸拾玖畝有奇通額沙地叁拾貳頃肆拾玖
 畝有奇 每畝徵銀肆分
 壹釐伍毫無米
 實徵沙地銀壹百叁拾肆兩有奇

山

原額山陸拾玖頃壹拾捌畝有奇雍正九年丈量於
 十二年報竣册內增原額山壹頃玖拾玖畝有奇
 今額山柒拾壹頃壹拾捌畝有奇 每畝徵銀陸
 絲無米無漕

實徵山銀肆錢貳分柒釐捌絲壹忽有奇
 塘

原額塘貳拾叁頃貳拾捌畝有奇雍正九年丈量於
 十二年報竣册內增原額塘捌頃叁拾捌畝有奇
 今額塘叁拾壹頃陸拾柒畝有奇 每畝徵銀柒分
 伍釐九毫陸忽
米壹升叁合
 叁勺捌抄

實徵塘銀貳百肆拾兩有奇

實徵米肆拾貳石叁斗柒升有奇

以上田地山塘通計徵銀壹萬肆千叁百貳拾玖
 兩有奇徵米貳千伍百貳石捌升有奇又加漕項

銀貳千壹百肆拾伍兩壹錢柒分玖釐按畝帶徵
統共徵銀壹萬陸千肆百柒拾肆兩陸錢

丁口

原額人丁壹萬肆千陸百肆拾丁口

每口徵銀柒分伍釐 康熙五

十二年奉
正四年奉

旨續增人丁永不加賦雍正
旨將丁銀攤入秋糧欸內除歷

年坍荒案內五次增減實存人丁壹萬肆千肆拾
伍丁口有奇同治三年詳查司案仍照原額壹萬
肆千陸百肆拾丁口科徵實徵人丁銀壹千玖拾
捌兩

攤入秋
糧欸內

外賦

外賦入地丁科徵者曰本色顏料銀凡壹百貳拾捌
兩有奇曰折色顏料銀凡貳百玖拾柒兩有奇曰
本色蠟茶銀凡壹拾肆兩有奇曰折色蠟茶銀凡
伍拾陸兩有奇曰藥材時價銀凡壹兩柒錢有奇
曰匠班銀凡伍拾柒兩有奇曰收零積餘改米徵
銀凡壹拾伍兩有奇曰孤貧口糧銀凡貳百壹拾
陸兩曰薦新芽茶銀凡貳兩陸錢有奇以上九欸
每年於地丁項下每兩帶徵

外賦不入地丁科徵者曰本縣課鈔銀肆兩貳錢玖
分密冶出辦
曰漁課米折銀伍錢陸分伍釐陸
毫鷓鴣漁戶出辦以上二欸現無

徵解

通徵銀壹萬陸千肆百柒拾肆兩有奇

每兩隨徵耗羨銀柒分

應徵耗羨銀壹千壹百伍拾壹兩有奇

批解

銀之起運者曰戶部本色銀

其目有十二日顏料木色銀

日顏料改折加增時價銀

日蠟茶本色銀

日蠟茶本色加增時價銀

日黃蠟折色銀

日茶葉折色銀

日茶葉折色銀

日茶葉折色銀

日茶葉折色銀

日茶葉折色銀

日茶葉折色銀

日茶葉折色銀

日茶葉折色銀

日茶葉折色銀

日茶葉折色銀

日茶葉折色銀

日茶葉折色銀

日茶葉折色銀

日茶葉折色銀

日茶葉折色銀

日茶葉折色銀

日茶葉折色銀

日茶葉折色銀

日茶葉折色銀

日茶葉折色銀

日茶葉折色銀

日茶葉折色銀

日茶葉折色銀

日茶葉折色銀

日茶葉折色銀

日茶葉折色銀

日茶葉折色銀

日茶葉折色銀

日茶葉折色銀

日茶葉折色銀

日茶葉折色銀

日茶葉折色銀

日茶葉折色銀

日茶葉折色銀

日茶葉折色銀

日茶葉折色銀

日茶葉折色銀

日茶葉折色銀

日茶葉折色銀

日茶葉折色銀

日茶葉折色銀

日茶葉折色銀

日茶葉折色銀

日茶葉折色銀

日茶葉折色銀

日茶葉折色銀

日茶葉折色銀

日茶葉折色銀

日茶葉折色銀

日茶葉折色銀

日茶葉折色銀

日茶葉折色銀

日茶葉折色銀

日茶葉折色銀

日茶葉折色銀

日茶葉折色銀

日茶葉折色銀

日茶葉折色銀

日茶葉折色銀

日茶葉折色銀

徵解

通徵銀壹萬陸千肆百柒拾肆兩有奇

每兩隨徵耗羨銀柒分

應徵耗羨銀壹千壹百伍拾壹兩有奇

批解

銀之起運者曰戶部本色銀

其目有十二日顏料木色銀

日顏料改折加增時價銀

日蠟茶本色銀

日蠟茶本色加增時價銀

日黃蠟折色銀

日茶葉折色銀

日茶葉折色銀

日茶葉折色銀

日茶葉折色銀

日茶葉折色銀

日茶葉折色銀

日茶葉折色銀

日茶葉折色銀

日茶葉折色銀

日茶葉折色銀

日茶葉折色銀

日茶葉折色銀

日茶葉折色銀

日茶葉折色銀

日茶葉折色銀

日茶葉折色銀

日茶葉折色銀

日茶葉折色銀

日茶葉折色銀

日茶葉折色銀

日茶葉折色銀

日茶葉折色銀

日茶葉折色銀

日茶葉折色銀

日茶葉折色銀

日茶葉折色銀

日茶葉折色銀

日茶葉折色銀

日茶葉折色銀

日茶葉折色銀

日茶葉折色銀

日茶葉折色銀

日茶葉折色銀

日茶葉折色銀

日茶葉折色銀

日茶葉折色銀

日茶葉折色銀

日茶葉折色銀

日茶葉折色銀

日茶葉折色銀

日茶葉折色銀

日茶葉折色銀

日茶葉折色銀

日茶葉折色銀

日茶葉折色銀

日茶葉折色銀

日茶葉折色銀

日茶葉折色銀

日茶葉折色銀

日茶葉折色銀

日茶葉折色銀

日茶葉折色銀

日茶葉折色銀

日茶葉折色銀

日茶葉折色銀

日茶葉折色銀

日茶葉折色銀

日茶葉折色銀

日茶葉折色銀

日茶葉折色銀

外路費銀

曰裁改留存解部銀

曰留充兵餉起運

銀

其目有二日田地山銀

通計起運銀壹萬壹千貳百

陸拾餘兩路費銀捌拾餘兩

案前項現併入地丁起運者計銀玖千陸

百捌兩有奇編入外賦起運者計銀五百貳兩有奇

是今昔數既未符欸亦互異其間損益更變未審何時定案姑備錄之以資考覈

銀之解歸各道者曰漕運

糧儲道

漕運軍米改折銀

凡肆百玖拾壹兩有奇

漕運本色月糧給軍米肆百壹拾石叁斗壹升有奇

日漕運折色銀凡壹千陸百伍拾叁兩有奇

其目有四

日淺船料銀

日貢具銀

日運

日驛站銀

官廩工銀

日月糧柴分給軍銀

日驛站銀

道專

年改歸按察司

凡肆百肆拾貳兩有奇

其目有二日枯葦驛

水運夫工食銀 日本通計解道銀貳千伍百捌

拾陸兩有奇 案驛站等銀現均由縣給夫具領報司題銷

銀之存留者曰司存留銀凡伍拾肆兩有奇批解司

庫 其目有二曰布政司解戶 曰府縣存留銀凡三

千柴百陸拾捌兩有奇 其目有二曰各廟祭祀 通

計存留銀叁千捌百貳拾貳兩有奇

各廟祭祀銀凡叁百貳兩有奇又赴司請領不專

銀拾伍兩柒錢肆分又耗羨項下撥補銀壹兩陸

錢柒釐 聖廟及本府各壇廟祭祀銀壹百伍拾兩

麗陽祠二祭銀伍兩捌錢貳分 耿公祠二祭銀

捌兩 文昌廟三祭銀陸拾兩 關帝廟三祭銀

陸拾兩 厲壇三祭銀二十一兩又米折銀叁兩

春芒神土牛春酒府縣 銀壹兩陸錢

銀叁兩肆錢伍分肆釐

官俸役食銀凡叁千肆百陸拾陸兩有奇 本府知

銀伍百陸拾柒兩 同知經費銀貳百伍拾肆兩

稅課局巡攔工食銀壹拾貳兩 本縣知縣經

費銀陸百伍兩肆錢 縣丞經費銀捌拾捌兩

典史經費銀陸拾柒兩 儒學經費銀壹百玖拾叁兩

壹百貳拾捌兩 儒學加俸銀肆拾捌兩肆錢捌分

錢貳分 儒學加俸銀肆拾捌兩肆錢捌分

飲酒禮二次銀玖兩玖錢玖分伍釐 歲貢花紅

旗匾酒禮銀叁兩伍錢玖分叁釐 分府縣丞典

巡鹽應捕工食銀柒拾玖兩貳錢 衝要九舖司

子工食銀肆拾陸兩叁錢壹分貳釐 偏僻八舖司

兵工食銀肆拾陸兩 南明門閘夫一名工食銀

食銀貳百壹拾陸兩 孤貧壹百貳拾名布花木柴

捌錢 各渡夫工食銀肆拾陸兩 浮橋夫

工食銀玖拾玖兩 田賦

銀柒拾貳兩 孤貧壹百貳拾名口糧銀叁百貳拾肆兩 孤貧加增銀壹百捌兩 重囚口糧府銀肆拾柒兩玖錢肆分縣銀貳拾叁兩玖錢伍分一釐

正額之外遇閏則有加閏銀一曰地丁加閏銀凡玖百叁拾伍兩有奇

加閏銀之起運者曰解司地丁加閏銀凡叁百伍拾肆兩有奇 除坍荒外舊志列有四款曰戶部鹽鈔折色銀 曰工部雕填匠役銀 曰裁改存留解部銀 曰留充兵餉改起運銀今併入地丁項下解司奏銷

加閏銀之解道者曰漕運加閏銀凡叁百玖兩有奇 糧儲道 專轄

加閏銀之存留者 除坍荒外 凡貳百柒拾貳兩有奇 本府知府

經費銀叁拾捌兩有奇 同知經費銀壹拾肆兩有奇 稅課局巡攔二名工食銀壹兩 本縣經費銀肆拾陸兩有奇 本縣儒學經費銀捌兩有奇 典史費銀肆拾陸兩有奇 本縣儒學經費銀捌兩有奇 分府縣丞典巡鹽應捕工食銀陸兩有奇 衝要九舖司兵工食署門子工食銀壹兩有奇 偏僻八舖司兵工食銀叁拾柒兩有奇 枯蒼驛水運夫本縣均平應差夫工柴兩有奇 陸分有奇 各渡夫工食銀叁兩有奇 各橋夫食銀叁拾柒兩有奇 孤貧壹百貳拾名柴布口糧銀肆拾兩有奇

米有存留無起運凡正額米肆千陸拾壹石有奇 除外實存留米貳千伍百貳石有奇

雜賦 田賦之外有雜賦曰學租曰當稅曰牙稅曰田房契

稅曰牛稅曰雜稅學租銀凡肆兩貳分肆釐
徵輸解司轉解學院
 賑給貧生膏火之用
 名每年按數徵輪另
 欵解司今皆歇業
 每名徵銀肆
 錢另欵解司
 徵稅無定額
 今皆無征
 牙戶 上則每名徵銀捌錢中
 則每名徵銀陸錢下則
 每銀壹兩 每兩徵
 徵銀叁分 牛稅 每兩徵
 稅三分 雜稅

附 雍正十二年知縣王鈞丈定各都圖田地字號

- 一都 天
- 二都 地黃宇
- 三都 宙洪日
- 四都 月盈
- 五都 辰宿列
- 六都 張寒來
- 七都 暑往秋
- 八都 收冬

- 九都 藏閻餘成嶺
- 十都 律呂
- 十一都 調雲騰
- 十二都 致雨
- 十三都 露結為
- 十四都 霜金
- 十五都 生麗水玉
- 十六都 出崑
- 十七都 岡劍號巨闕
- 十八都 珠稱夜光
- 十九都 李榮
- 二十都 重芥
- 二十一都 河淡羽翔
- 二十二都 龍師火官
- 二十三都 人始制文
- 二十四都 字乃服
- 二十五都 衣裳位
- 二十六都 國有唐
- 二十七都 民周
- 二十八都 發商
- 田賦

二十九都	湯坐朝聞道
三十都	拱平
三十一都	章愛育首
三十二都	臣歸鳴
三十三都	鳳在
三十四都	竹化
東隅	萬方
南隅	四
西隅	大五
北隅	常
中隅	恭

附鹽課

每年銷票引壹千伍百拾壹引向係鹽院給發票
 引乾隆三十八年改發部引如正引銷足商人請
 給餘引仍係鹽院衙門給票竝無定額溫所同治

元年各省因辦軍需籌餉請

旨設局抽釐凡私販運鹽到厦河關卡由委員盤驗計
 勛責課給票行銷無復商人請引配運矣至舖戶
 零星出售鹽勛須詳請鹽院頒給烙牌由官鹽行
 領運分銷謂之子店非此干禁牙雜各稅依准奏
 定章程歸入釐局按貨徵輸報解

戶口

原額人丁一萬四千六百一十一丁口
 康熙六十年一萬四千九百五十五丁口
 雍正九年一萬五千五百一十九丁口

乾隆六十年二萬二千六百九十戶一十七萬四千

二百十六丁口 男大小十萬五千二百六十一丁
婦大小六萬八千九百五十五口

嘉慶二十五年二萬九千二百六戶二十四萬一百

七十五丁口 男大小十四萬二千七百八十八丁
婦大小九萬七千三百八十七口

道光二十五年三萬五千一百七十二戶三十四萬

九千一百二十七丁口 男大小二十萬五千七百
二十六丁婦大小一十四

萬參千四
百一口

同治十二年三萬二千六百二十九戶男女十萬六

千四百五十六丁口

倉儲

青苗錢為宋世做政而司馬氏謂壞常平之害尤甚於散青苗其言可謂痛切矣麗磽确產米無多儲藏為尤亟而社倉義倉未能廣為施設以濟常平之不及豈曰有備無患哉姑書其成數使覽者有考焉育嬰堂養濟院均以養民并附書之

常平倉 在縣治後計五座八十四廩 始在縣署左
右廊下康熙

中知縣萬暄建後知縣陳誠武章王鈞陸續
增修嘉慶二十二年知縣姚大謙改建今地定例

於米貴時減價出糶米賤時糶還其數以存七糶

三為準秋成就本邑採買歸倉每年府廳縣於額

貯之外例有捐穀 知府每年捐穀四石
同知二石知縣五石額數按年

遞增其每年發給到配軍流人犯獄囚及經過難

民口糧俱於額內支銷一各州縣等事官捐穀一千三百五十七石三斗

九合四勺此係道光二十六年止一欽奉

上諭事田畝捐穀七百五十七石八斗八升四合

一欽照江南等事生後捐穀一萬四千九百四

斗二合一仰體聖衷等事生後捐穀六百

六十三石二斗三升四合七勺又動支司庫捐監

銀兩買存穀九千六百五十二石六斗一合二勺

一欽奉上諭事添買遂邑等縣補額穀二

千三百七十石一欽奉上諭事楚米易穀

一萬六百六十六石六斗六升八合一協撥米

撥歸濟事添買穀四千九百石一彙報等事水災案

內奉文撥賑剩穀一百七十九石六斗一升五合

通計貯穀五萬四千五百九十六石七斗一升四

合三勺額設斗級四石每名工食銀六兩咸豐八年粵匪

竄踞倉穀盡為灰燼同治五年知府清安詳請撥

帑買穀一萬石並建倉於府署西偏存貯偏災有

備荒歉無虞矣

向例購買穀石兌足色銀封固以五石之時價為

一封封面蓋用縣印以防胥吏侵欺後漸致短平

給發甚且以空封勒買或令民間繳錢作穀而所

買之穀雖紅腐不以糶民怨甚乃稍變其術計田

畝多寡給半價按戶勒派尋又匿其半價而勒繳

半穀之錢胥吏復假採買為奸利種種滋弊等於

青苗矣嘉慶八年里人陳情大憲奉批所有前項弊端永遠禁止

社倉 乾隆二十三年奏準浙東各屬勸捐社穀以

佐常平之不逮仍選殷實戶充當社長司其出納

是年始勸諭士民捐輸建倉收貯續因洪水坍塌廢

僅存社穀一百七十九石七斗五合附儲縣倉又
於乾隆三十七年詳明借放社穀計四次共收息
穀三百一十二石有奇統由原借社長分管嗣據
各社長每石折錢合銀繳存縣庫乾隆以後並未
設立社長貯庫
之銀遞任
列冊交代咸豐八年遭粵匪淪陷庫項蕩然同治
四年知縣陶鴻勳奉文勸捐城鄉計共捐穀貳千
八百四十石一斗五升在城捐穀於蓮城書院建
倉存儲四鄉各選社長分司領存年終結報
義倉 在東嶽廟右道光五年里人公輸董事吳聖
和譚景星王正松經營十四年典史朱煦借支穀

一百石給育嬰堂口糧煦身故未償尙存穀七百
三十三石五斗匪亂之後倉穀俱廢

兵米 在額秋米貳千伍百零貳石有奇項下每年
徵收積貯縣倉由 司儘數撥給處州鎮標下四
營兵丁口糧按月照 司撥給數目由營移牒給
票投倉領米若遇歲歉不敷給放照章稟請改撥
育嬰堂 在縣治東南城隍廟右乾隆二十年知縣
陳謚建置田地若干畝令董事司其出納後因虧
蝕由府隨時委員經理日久弊生仍無實濟咸豐
八年城陷堂燬田畝亦就荒蕪同治三年知府清

安逐加釐剔履勘招佃創為新章分別收養寄養
 二等月給錢米有差嗣因羣嬰糜集費不支乃撥
 曩存保嬰祀孤二款並邑紳譚克仁姚雲卿捐田
 以充之九年今 郡守潘公紹詣下車復請大憲
 得鹽釐津貼歲若干廣設求養一等并種痘給衣
 諸舉撫育之法於斯大備向例以二十餘人為率
 今且多至二百有奇賈父之稱殆非虛矣重建斯
 堂者北鄉監生何億昌暨弟億元也

育嬰堂原撥并許招壽捐入其田地塘六頃六十
 八畝一分九釐六毫內除葎蕪未墾田三十五畝
 九分五釐二毫實計東南西南三鄉現種田地六頃
 三十二畝二分四釐應收官斛租穀四百二十八

石五斗六升五合又租銀四十九兩九錢七分五
 釐又租錢叁千零二十文應完糧銀六十二兩九
 分六釐三毫八絲遇閏加銀二兩七錢二分有奇
 秋米八石九斗一升九合又譚克仁捐助田二十
 二畝計額收租穀三十四石八斗六升姚雲卿捐
 助田十三畝計額收租穀十九石二斗五升兩共
 應完糧銀三兩一錢三分五釐米四斗八升三合
 遇閏加銀一錢七分六釐收養嬰孩計貳百餘名
 按名招雇乳婦外另
 雇管堂男婦各一名

保嬰社 在縣西四十里碧湖道光年間貢生葉庭
 輝廩生王榮生員葉文濤等捐設兵燹後知府清
 安復飭縣幕王光祖協董林永年葉瑞榮葉讜葉
 誥等就西南二鄉殷實各戶醵金權子凡家貧撫
 養無力者每嬰一名給錢二千由董查驗分期給

發歲濟約四五十名年終彙總結報

養濟院 在行春門外

兵制

宋制處兵之隸禁軍者有宣毅之目配廂軍者有採斫之名元豐中詔處州槍杖手五百三十六人為定額農隙閱武以備奸盜此舊史之可徵者而專屬麗邑者無聞明世設軍衛僅統於指揮使昭代始立專營屢經籌改其制益備書之於篇而舖舍兵役雖無預戰守之責亦附列焉

麗水營隸處州鎮管轄康熙五十二年奏立設官七

員

守備一員

原為守備雍正九年題改都司道光二十八年仍改守備

駐郡城

千總一員

分防碧湖

把總一員

駐郡城

外委三員

額外外委一員

千把諸職除碧湖要汛永駐防守外其餘或駐郡或駐汛均以一年更替

康熙四十九年福浙總督梁燾疏稱浙江處州一府管轄十縣除附郭外其餘各邑歷來未有城郭皆在深山之中險要之處甚多該地設一副將每覺稽察難周莫若將平陽一鎮移駐處州即以處

州副將移駐平陽如此一轉移間地方兵制各適其宜巡方周密裨益似非纖少等因得旨允行五十二年福浙總督范時崇疏稱前督臣梁龍請將平陽一鎮移駐處州原題疏內有該總兵再帶兵一千一百一十五名游守等官俱帶往之語而官來處郡兵在平陽今將原管滿壯鎮下兵丁二百九十五名撥歸處州與前撥本標三營兵一百四十名共合四百三十五名設為麗水專營分防碧湖要汛等因旨允行

兵馬 原額馬戰守兵丁四百三十五名於雍正十三年乾隆二年及四十七年嘉慶十九年道光元年及十二年二十五年七次奉裁馬戰守兵丁三百四十五名同治六年減兵增餉實在馬步戰守兵丁二百零七名 有馬戰兵八名 無馬戰兵

四十七名 守兵壹百五十二名 各官自備坐馬八匹 兵丁官給馬八匹

汛	碧湖	舊兵十一名	碧湖沙溪	舊兵五名	十八都	舊兵六名
蓬蒿嶺	舊兵五名	阜阮	舊兵五名	庫頭	舊兵六名	
塘	井口	黑橋	舊兵四名	馬王	舊兵四名	巖泉
場	舊兵四名	卻金館	舊兵四名	金村	舊兵四名	楊店
九龍	舊兵三名	碧湖	舊兵三名	玉溪	舊兵三名	均溪
菱青	舊兵五名	石牛	舊兵五名	寶定	舊兵五名	上三處兼係
下河	舊兵五名	楊山	舊兵三名	箬溪	舊兵三名	上三處專係

以上塘汛兵惟碧湖設有馬戰兵一名無馬戰
兵六名守兵三十二名餘均奉裁

軍裝器械 額設大小礮五十一位每年十月文武

會同洗放一次 行營礮四位 每位食藥六兩安設郡城 劈

山礮二位 每位食藥四兩奉調赴溫州配船緝匪未回 百子礮五位

每位食藥二兩安設郡城內二位道光二十三年征兵配帶剿夷遺失 子母礮一

位 安設郡城 紅衣礮七位 每位食藥三兩四兩五兩十二兩不等二

位前奉調赴溫州配船緝匪五位道光二十三年奉撥鎮海剿夷未回 威遠礮六

位 每位食藥三兩安設六城門敵樓防禦道光二十三年奉撥鎮海剿夷未回 發煩

礮二十六位 每位食藥二兩或一兩八兩不等安設六城門敵樓防禦現已無存

號帽二百零二頂 號褂二百零三件 內虎衣

褲十一身副 青衣褲十八身副 烏鎗九十六

桿 籐牌十六面 牌刀十六口 片刀十二把

長矛六桿 腰刀十六把 毛藍布單號袍九

十七身 白單帳房八頂併桿鉄鏹 藍夾帳房

二頂併桿鉄鏹 大隊旗三面桿 什長旗十五

面 紅旗三面桿 得勝旗二面桿 遊兵旗二

面桿 銅鑼一面 戰鼓一面 劈山砲一位

拾砲十二桿 九龍袋三十二個 單刀一把

火藥皮角三十二個 雙刀一對 砲九龍袋二

個 大刀一把 砲藥角二個 雙鎚一對 硬
 弓七張 馬上鎗一桿 雲梯旂五面 馬弓三
 張 營門二扇 弓插袋十六副 皮小鎚一對
 兩頭鎗一把 地雷十個 連夾棍一副 稍
 子棍一副 鋼釵六把 鈎鐮鎗一把
 年額支給火器兵丁捺用火藥五百一十一觔二兩
 年額支給火器兵丁捺演打靶鉛二百三十五觔
 教場 在栝蒼門外琵琶洲今廢假南明門外府
 教場治事
 火藥局 春配局在棗山舖小教場之前 存貯局在

萬象山現由省城軍需局給領

軍器局 在澄西舖泗洲樓守備署前

附舖舍 衝要九舖府前司兵七名 九里 巖泉

俞嶺 劉山 芟青 下河 金村 寶定以上司兵

各五名 偏僻八舖峽嶺 九龍 周瑞 碧湖

玉溪 均溪以上司兵各五名 白善 楚阮以上司兵各三名今

裁均奉

麗水縣志卷五

麗水縣知縣黃平彭潤章重修

祠祀

報功崇德明禋所宜肅也其有民俗俎豆所歸而未臚祀典者審與淫祀有殊亦莫或廢之矣東嶽廟非所宜立顧其來已久附之簡末以當古蹟之一云

先農壇 在巖泉門外馬鳴莊

國朝雍正五年知縣郭朝端奉文建并置耜田四畝九

分

社稷壇 在通惠門外

風雲雷雨山川壇 在南明門外溪南一里許

先師廟 詳學校

名宦祠 詳學校

鄉賢祠 詳學校

忠義祠 詳學校

國朝雍正五年知縣郭朝端奉文建

節孝祠 詳學校

國朝雍正五年知縣郭朝端奉文建始在行春門內溪頭莊後壞於水乾隆中縣人錢元炆改建今地

關帝廟 在圭山明萬歷四十二年建有縣人王一中碑

國朝雍正六年知府姚鈴更新之查法喜廢寺田七十

三畝給住僧供香火修葺咸豐十一年燬於寇同

治六年知府清安請帑重建案關帝文昌諸廟鄉里多有之今惟著有

司致祭之所餘不備及

文昌廟 在圭山明萬歷二十二年知府任可容通

判文似韓建

國朝康熙三十三年知府劉廷璣重修乾隆中別建於

府學東南咸豐十一年經兵燹鞠為茂草同治七

年知府清安重建春秋祀事率於此焉

純陽廟 在法海寺前

國朝嘉慶十一年奉文建始在圭山之西十七年徙今

地同治六年知府清安重建

天后宮 一在縣治南

國朝乾隆十八年奉文建春秋致祭一在縣西四十里

碧湖經兵燹傾圮同治十一年縣丞董任毅率董

林萃英沈毓彥闕賡颺闕賡華集貲重修一在縣

南五十五里大港頭縣人徐望璋有記

城隍廟 在圭山南麓向無祠宇附神位於郡廟

國朝乾隆二十一年知縣陳證勗建嘉慶五年壞於水

八年知縣張吉安重修道光十九年邑人擴基重

建至二十五年知縣張銑督率竣工崇閣華棖頗

稱鉅麗近經兵燹非復前此之宏整矣

厲壇 在北郊二里

徐望璋觀祀孤詩風酸雨咽氣
蕭騷荒塚纍纍野獸嗥求食寒

狸藏窟穴驚人宿雉起蓬蒿護魂底處招無極餒
鬼常年泣若敖颯沓不知誰氏子一抔淺土傍城

壕荒郊千點簇陰燐誰向空王證昔因不少災星
罹水火儘多戰血灑荆榛夜臺祇覺天難曉苦海

直憂地不春一饗那支終歲餓黎叩畢竟耐長貧
一樽沃酌慰幽冥樂土還將祝再生壇下似看行

窳宰石根微聽語譽謚杜鵑蝴蝶空吟咏螻蟻烏
鳶孰重輕尤悵旅魂無處著愁雲不散雒陽城輪

回一度劫塵捐為誦雜摩了宿緣鼠齧枯藤餘舊
夢螢粘腐草盡荒烟飯炊珠顆麻姑米紙化銅山

鄧氏錢前業已空歸正
覺恩銜朽骨到重泉

麗陽廟 在城北十里初名白塔廟唐大中四年州

守徐鄧改今名有宋郡守葉武子奏免浮財物力

碑其陰刻元至大中修廟記又有至順三年加封

神號及至正十四年危素碑俱詳枯蒼金石志

麗陽廟記古麗陽廟即白塔廟山頂舊有浮圖故

取名焉雖至窘湫禱之罔不響應大中四年今齊

州刺史徐公鄧理處屬亢陽禱祈山川罔有徵驗

躬酌此廟雨乃隨車公以邑有麗陽溪廟居其後

遂改麗陽廟八年冬天水姜公肅委知軍州事與

麗水令榮陽鄭公全察相顧言曰郡邑無事山廟

可完春三月乃請郡虞侯樂安汪漢藩審勢於舊

廟之西而剏殿焉正位麗陽王乃北山之神左則

白塔王斯土地之主右則巨潭王乃北沼之靈也

夏五月十五日郡邑官僚鄉里耆舊列筵以落之

萬歷續處州府志嘉靖間知府董得朋置田一

頃一畝以供祭事萬歷十七年知府郭宗盤因變

賣寺田遂併廢之至二十一年同知陳其志始復

其舊 季詔麗陽廟祭田記麗陽之神載在祀典

粵自唐宋以入我朝歷八百餘年有欽給香燭無

祭田郡守東莊董公郡佐定齋梁公暨郡邑諸大

夫後先相繼置田百一畝屬邑父老治祭儀以供

歲事邇年閩中郭公守栢籍寺田租入為公帑而

麗陽祭田亦在收例祀事闕修屢矣會連歲旱熯

疫癘道殣不收郭公入計行郡佐安陸陳公攝篆

民自其事陳公憮然曰寺田初由官給寺廢則租

可收祭田出自人供神存則祭不可廢也遂檄縣

復田於廟聽民歲時告虔民大驩悅欲徵言以垂

不朽余惟神捍災恤患禮宜報祀歷朝符敕碑記

班班可考余何庸贅但述後田始末以垂永久云

持香麗陽祠至第二殿有龍見扇上初如飛螢熠

熠俄成青色長出扇外頃又化五色晶采異常

羣目驚悚 高似孫麗陽廟紀異詩曉拜麗陽峯

輕烟鎖亂松一香通有象五色化成龍但只飛靈

雨須教慰老農平生知已處神獨最於儂
 稟紀麗水麗陽山相傳每歲六月既望夜林壑間
 有燈若人往來迎送節判朱天民見而異之今居
 民凡六月二十八夜盡燃燈祀神
 詩昔聞長老說北山有神燈六月神初度邑人競
 高登夜深猶闌寂歛復見峻嶒雪煜燿珠采點綴
 橫玉繩漸漸出陰壑一一度蒼藤乍明乃倏晦此
 沒復彼興光中若有人前後相參承久始散去
 各自為僂朋我習聞此語所恨見未曾竭來默致
 禱祥光俄相應體大赤杲日中瑩融清冰夫豈一
 才賜信足通幽冥再拜
 語燈火照我心淵澄

龍神祠 在縣治西麗陽行祠後

國朝嘉慶十三年知府方維祺建成豐八年遭匪蹂躪
 僅遺基地同治十年夏旱今郡守潘公紹詒齋沐
 步禱得雨願新之越日大雨歲仍稔遂倡捐廉五

百金率董勦建焉

三皇廟

在圭山西麓

案元黃文獻集三皇廟記唐天寶間三皇始有廟天下都

邑咸得通祀云云麗邑之廟不知所自始今俗呼為藥王廟

詹南二司馬廟

在城西五十里松陽境內祀梁開

通濟渠二司馬今俗改為白龍廟以二司馬耐

關 暉詹南二司馬廟記麗水十縣皆並山為田常患
 水不足縣西五十里有堰曰通濟障松陽遂昌兩
 溪之水別為大川分為四十八派析流畎澮注民
 田二千頃又以餘水瀦為湖以備溪水之不及自
 是歲雖凶而常豐元祐壬申堰壞命尉姚希治之
 明年帥羣官往視成功有廟曰詹南二司馬不知
 其誰訥諸故老謂梁有司馬詹氏始謀為堰而請
 於朝又遣司馬南氏共治其事是歲溪水暴悍功
 久不就一日有老人指之曰過溪遇異物即營其
 地果見白蛇自山絕溪北營之始就明道中碑刻

尚存云

武肅廟 在縣西三十里九龍村祀吳越王錢鏐

惠應廟 在城北二十里甘泉塔神姓金佚其名有

宋嘉定八年賜額敕牒碑（敕牒碑陰記）金端公廟

掠為國勤兵至麗水縣二十五都武婆

靈應廟 在城北三十里浯溪神姓葉佚其名有元

至正六年碑（林似祖靈應廟記）葉侯生唐僖宗朝

人侯帥其二子磔殺之既卒賊兵過或見侯率眾

擊賊賊辟去鄉井賴完宋治祐二年進士潘檜始

封鬼神皇慶壬子鄉人狀神功惠以聞封廣福威

彭城廟 在城南十里下劉神姓劉佚其名有元大

德元年碑（鄭桂高碑記）咸淳十年處州狀彭城三

牒建德府僚來覈又明年皇元

秦淮海祠 在萬象山乾隆六十年溫處道秦瀛摹

像并宋元祐三年除太學博士敕勒石蓮城書院

嘉慶元年知府修仁移建於此咸豐十一年燬於

粵寇同治七年崇福寺僧精一募緣重建（秦瀛書）

生除太學博士敕碑後乾隆五十八年冬十二月

瀛以戶部郎中出為溫處兵備道處之姜山為宋

酒稅局始祖淮海先生謫監郡酒稅時居此又青

田縣有慈仁院者先生昔訪曇法師於是官滿作

詩留別院僧繪像立祠嘉泰間郡守胡澄取先生

像刊石郡齋瀛訪先生祠已久廢郡齋亦無先生

像未幾瀛遷杭嘉湖道去今年秋諭諸處州守伊
 君湯安將於郡城之圭山蓮城書院設先生位以
 存祠祀會族祖雲錦來杭州臚瀛所藏先生小像
 又元祐三年除太學博士校正秘書省書籍敕一
 通瀛敬謹重摹勒石屬伊君嵌置蓮城書院之壁
 按先生除博士由蘇文忠公之薦其後俱以黨禍
 被謫先生始以國史院編修判杭旋貶處州且由
 處轉徙嶺海歿於藤州之華光亭瀛監司潮東既
 過先生所嘗監稅處今官於杭杭之天竺龍井皆
 有先生遺蹟徘徊瞻仰亦有厚幸矣無錫裔孫
 瀛謹識於武林官舍時乾隆六十年十一月既望
 後一日秦瀛處州萬象山淮海先生祠堂記處
 州故余遠祖淮海先生監酒稅處也先生在處時
 嘗訪曇法師於慈仁院既去院僧繪像立祠具載
 處州府志今祠廢而像亦不可考乾隆癸丑冬瀛
 奉乙卯冬始自杭州刻先生像移奉處州圭山之
 蓮城書院又閱一年杭郡丞修君奉檄權處州事
 將行來謁別余語及之修君莅處以書來諭曰書
 院地故湫隘不克稱有萬象山者故郡城最高處

其上為崇福寺極爽塏今以寺中之東偏三楹重
 加黜聖設神龕奉先生像祀焉祀之日自郡大夫
 以下及處之士咸往瞻拜如禮此處州萬象山
 之所由有先生祠也瀛惟先生少負經世畧彊志
 盛氣好談兵為蘇文忠公所賞既而小州言者論其
 一意託之於文章迨坐黨籍出倅杭州言者論其
 增損實錄橫羅貶謫監酒稅於此而小人承望風
 指猶未已卒以謁告寫佛書削先生秩遷徙嶺海
 易曰君子得與小人剝盧君子小人之進退剝復
 係乎國家之治忽宋自黨禍興而神州陸沈後世
 士君子過先生祠所當太息痛恨於紹聖之已事
 也顧當時之禍先生所當太息痛恨於紹聖之已事
 子之名至今猶在天壤亦可見小人之禍君子無
 往不福君子小人之智適成爲小人之愚已矣而
 先生踪蹟所至官於其地者無不爲之流連感慕
 况又爲其子孫如瀛者與瀛往來處州未至萬象
 山聞其地俯臨城郭近挹溪光望之若圖畫蓋枯
 蒼一郡之勝而又與姜山近卽宋時酒稅局先生
 之靈其憑依於是無疑也修君名仁漢軍鑲藍旗
 人由舉人出爲知縣遷杭州府總捕同知今署處

州府知府祠之成繫君成之麗水縣知縣常熟邵
 培德處州府教授海甯張駿麗水縣典史無錫侯
 寶樹並襄其事例得具書時嘉慶元年丙辰十二
 月望前五日張吉安詩愈判杭州到枯州官因
 詩謫也風流我來七百餘年後山抹微雲正晚秋
 鶯花亭子幾春風一卧圓菴百慮空才子回頭都
 是佛而今彌勒一龕同董旂詩醉卧藤陰夢正
 長炎風吹淚又蠻鄉微雲競寫詞人句衰草空迴
 學士腸到眼魚豚皆別恨驚心鼓角易斜
 陽一龕今與彌陀共不負當年燕瓣香

五賢祠 在府學東初祀宋孫沔黃葆光吳戴後增

王之望王信為五賢云案沔葆光之望為長官戴

其義宋史云之望紹興中為處州教授府志不載
 後力主和議割地啖敵人無足重然史稱其有文
 藝幹畧則為教授時曾有治績
 也王信明一統志作王公信誤

忠節祠 在釋山儒學南宋建炎初敕建祀太原府

孟縣主簿祝公明忠翊郎姜綬義士章雲就知雍

州詹友四人並靖康建炎間死難者也紹定中郡

守高似孫修之案祠始在九盤嶺舊郡治旁後郡

建今地見明成化八年重建碑公明十一世孫攬改
 失考未見碑耳碑多殘缺其叙四賢有名良臣者
 良上闕一字未悉其異同之故高似孫忠節祠
 記似孫守栝兩載一日小孫彭夢神人曰我太原
 孟縣義烈祝公也姜官師也章少傅也詹光祿也
 一屋荒寂西亞角樓雲馬風車謝守振拔者魚魚
 闔闐我慕焉幸為啟太守彭曉白其事乃謁以香
 四公名稱宛與夢合即上奏願賜旌額肖像而奉
 之竊惟天之為天人之為人同一清明其生為忠
 臣為義士死亦如之耿亮湛滢直可以配天諸公
 皆以罵賊不屈于刀鋸報之者嗇有國者所當盡
 其義為人臣者不當辭其責予歸矣稍刊其意以
 告後之垂
 意於斯者

清風祠 在縣治南宋嘉熙間郡守馬光祖建祀敷

文閣待制閻邱所青田洪師中有記

開國元勳祠 在富山明嘉靖中知府潘潤建祀誠

意伯劉基

國朝咸豐十一年粵匪踞城祠燬無存同治六年青田

裔孫廷樑等重建潘潤請建祠檔案禮部為崇元

呈奉本部送禮科抄出浙江處州府知府潘潤一

本洪惟我太祖高皇帝龍飛淮甸奄有大業當時

佐命諸臣奉行天討削平僭亂者有徐達湯和輩

而運籌帷幄者惟劉基一人太祖嘗敬禮之而不

名每曰吾子房也所以待之者至矣厥後徐達之

子輝祖襲封公爵世代相承劉基之孫為襲封誠

意伯自薦後不傳景泰間欽取基七世孫劉祿授

翰林院五經博士天順元年劉祿奏請立祠詔下

有司營建於基原籍青田縣然五經博士之襲似

未愜然有懷未吐嘉靖五年六月臣承命知處州

府事值公幹至青田謁誠意伯祠見規模卑隘及

詢儀物亦不加隆其孫劉瑜現襲處州衛指揮使

臣思太祖之報賞也論功錫予權衡不爽奈何歷

世未遠而事體頓殊徐達子孫輝映百年無異基

襲蔭僅一指揮祭祀率多簡畧恐太祖在天之靈

不欲止於是也查弘治十五年禮科給事中臣吳

仕偉請建祠於府城前任知府臣梁宸謹奉欽依

事理置地於星華舖尙未建立臣不忍緘默冒死

上陳伏乞皇上敕禮兵二部查照徐達湯和等於

襲蔭稍加爵秩祠宇稍加壯麗祭祀稍加豐隆使

無稅人擬明禪澗有毛華野不妨初就築草廬猶
恨未誅曹萬峯指點青田路斷石枯松望帝師豹
顧大曲詩乘時仗策莫華夷帷幄謀謨蔚帝輝
隱賸閑黃石畧鴻冥終赴赤松期百年勳烈輝宸
宇一代文章煥郁離蘋藻獨修瞻肝享煌煌宸翰
照穹碑采煥尊詩草味經綸日英雄戰鬪年真
人淮泗起王氣斗牛纏命世生良弼卑樓役大賢
一官齊簿尉千里正戈鋌記室依袁紹飛書謝魯
連神鷹思飽掣威鳳必高騫漢祖除秦法周王卜
渭畋廟堂才不易束帛禮宜先遂有君臣契能令
帷幄專南征頻克敵北伐旋摧堅王會收三統軍
謀出萬全河山分帶礪冠蓋儼神仙未辟留侯穀
長辭范蠡船麒麟當日畫竹帛後時編一自邱陵
改重愁歲月遷隆中猶故宅縣上少封田舊俗遷
祠廟清歌入管絃黃金遺像蝕鐵券幾人傳古瓦
龕隄落荒庭檜柏圓蛛絲虛寢習鳥蹟斷碑眠想
像陰符策沈吟寶劍篇前賢餘事業後死尚速遄
去去辭粉梓栖栖到海壖空林多雨雪哀角滿山
川玉帳無遺術蒼生久倒懸憑留一黃石相待數
城邊案謁劉文成祠詩甚多非為麗邑作者不

錄

泗國公祠 在縣治西南祀明參軍耿再成有宋濂

及蘇伯衡碑宋濂耿公祠堂碑侯諱再成字德甫
陸江南行樞密判官階鎮國上將軍龍鳳四年冬
王帥師取金華侯為前鋒金華平五年冬十一月
遂命侯鎮其土勞來安輯至者如歸侯馭下嚴軍
校或斬人邱木捕而誅之自是皆畏威雖下嚴軍
敢采先是士卒所至必徵私粟於民號曰若根莫
敢何問侯白胡參政罷之八年春二月軍中有舊
降帥相挺為亂侯方與客飲聞變即上馬收戰卒
不滿二十人迎罵賊怒欲刺侯侯運劍連斷數
槊賊將躍而前正中侯頸遂墮馬罵賊不絕口而
死夏四月王師四集殲醜類改葬侯於金陵之
聚寶山命侯子天璧嗣職仍鎮其土無何龍泉胡
公深總制是邦七邑之民咸踴請立祠以妥其靈
胡公曰吾志也命知府事程君孔昭視其役肖侯

像其中經始於九年春二月落成於夏五月癸
獻科泗國公祠記泗國武莊耿公勳庸之盛死國
之忠具載宋太史碑中時方草昧祠雖建而祭典
尚缺至今百八十年乃發於公六世孫曰鏞者陳
詞乞祭得俞所請命歲祭二仲又命公子天璧
配食乃徵文紀石俾來者知祭典維新之自云

三賢祠 在縣治南明巡按御史王獻之建祀中丞

章溢南陽侯葉琛縉雲伯胡琛

國朝同治十一年南陽侯裔孫重建章拯三賢祠記栢

伯劉公基御史中丞章公溢縉雲伯胡公深南陽
侯葉公琛皆人傑也然章公遽卒於位胡葉二公
沒於難獨劉公從容受封比蹟子房近復蒙恩建
祠襲爵而三公祠宇荒廢識者憾之新安湛泉王
公獻之按臨慨然曰此觀風者責也謀諸憲副胡
公有恒盧公蕙都閻韓公平守備盧公鏜皆欣然
協贊而平原岱野張公一厚遂擇地於城中得葉
編修遺構棟宇宏敞貿為祠前為門樓中為享堂

省三公序爵列坐復樹三碑於堂各刊行實五旬
畢工行麗水縣春秋致祭案章拯記栢蒼彙紀
誤題王獻之
作據石刻正

二忠祠 在紫陽祠後明分守參議勞堪建祀參議

耿定僉事王晟勞堪二忠祠記余觀栢史云正統

兵禦之明年大戰於周垣兵潰被執不屈死余生
平嚮慕忠節之士願為執鞭今得二大夫顧俾其
泯沒而弗俎豆也其謂之何爰命有司設像祀之
夫忠良心也貫常變齊死生惟知有君而不知有
身之謂也謀身重則謀國輕居常非則遇變苟何
者亾其良心也此心可剖而宗國必不可負顏舌
可斷而叛虜必不可從百世而下聞者莫不興起
焉觸其良心也二大夫之死真不有其身矣聞風
者亦將忠君報國之心勃然生乎余記之不獨為
二大夫也案明史張驥傳定和州人晟鄆城人
俱進士事聞
贈官錄一子

郭公祠 在府治後

國朝順治十六年知府周茂源建祀明知府郭忠

周茂源郭

公祠記公長身鐵面嚴重有威家視枯子視民凡可以去括之疾苦而為安全計者莫不焦思畢力以圖終於形枯神斂以卒於位故其神依久弗去往往昭靈見像以警動人耳目維治之北有隙地焉卜云其吉於是伐木於山陶甃於治鳩工飭役為屋三楹爰作公主升之於座

崔公遺愛祠 在縣治西澄西舖

國朝康熙中建祀總兵江夏崔相國

倉聖潢重修崔公祠記總戎元卿崔

公早年立功滇黔晉楚間及移節東南歷溫州臺灣處州所至盜息民安著有勞績先是處大歉公為設粥賑飢死者施棺槨掩其遺骸災黎賴焉體恤行間代出費運糧給芻牧軍政得不替士卒借支銀若干悉焚券弗責償一時兵民慶更生遇疾卒於處處人立祠祀焉歲久漸圯過者惻然因謀

更新益廓而大之將鳩工適公子應階撫山左聞之發使賈金抵處一切修營所需皆給公價不絲毫累民而觀察使蘇公總戎于公暨余往來董率不日落成守土者春秋時享率土人齋肅告虔公之靈將默鑑焉所以降福於處人者正未有艾也

方公遺愛祠 在縣治西華祠舖

國朝乾隆三十三年四營公建祀總兵江都方文登道

光二十五年總兵梁勝瀨以總兵鄭國鴻遊擊托雲保守備李躍淵千總洪式琮蔡步高胡大純外委金釗諸主祀祀皆二十一年進剿暎夷陣亡甯波者也同治十年四營建關帝廟以祠址毗連遂併入設粟主祀於右廂

植璋方公祠記雍正七年公由黃巖調鎮處州知兵

丁青黃不接輒乏食愷切具奏願捐俸買穀三千石春夏借給秋冬買還蒙 恩旨准行迄今三十餘年各省仿照舉行公之愷澤遂及天下矣公因處郡上通雲龍七邑下達甌江捐設巡船巡緝私梟於鹽課有裨各商呈請青色鹽關每引輸費二分以爲巡兵盤費并修船之用至今查緝攸賴皆公之遺愛也公字 臺臣揚州江都人

棗山廟 在棗山

靈佑廟 在縣治東南一里宋乾道二年賜額今俗

呼厚田廟

協濟廟 在縣治西南花樓井宋淳熙中市不戒於

火禱之即滅郡守李處全請賜廟額

好道廟 在城東十里宋大中祥符間封濟渡侯

通惠廟 在城西三十五里宋政和三年賜額紹興

四年封普應侯 案府志云晉司空陸阮然有記今無考

龍子廟 在縣西四十里碧湖中堡

國朝嘉慶十二年建 案舊志謂俗改司馬廟爲白龍廟遂附會爲龍子廟其拂情違禮

削而不書然流傳已久民俗俎豆所歸且殿宇宏敞莊嚴士大夫過者咸憩於此故復存之以當古

蹟云

胡公廟 在縣西四十里碧湖下堡祀宋永康胡則

廟有古浮屠故亦名塔院

協應廟 在風門山顛宋淳祐十二年賜額慶元二

年郡守趙善堅禱雨屢應奏加二神顯惠公靈祐

公

福順廟 始在縣東五里宋淳熙三年知縣吳津遷

於延和門內後遷巖泉門外今在縣治西驛前舖

顯佑廟 在縣西白峯禱雨有應宋咸淳八年賜額

旗纛廟 在縣治西祀軍牙六纛之神明制霜降日

處州衛掌印官主之

火神廟 在縣治西星華舖同治九年邑人醮金重

建案以下三廟皆康熙中平陽鎮移駐處州後營官所建

馬王廟 舊在火神廟右咸豐十一年燬於寇同治

十年併入華祠舖關帝廟祀於左廂

晏公廟 在縣治南石橋舖案據浙江通志則神為宋晏戍仔府志以為晏

安誤

忠靖王廟 在圍山宋王信山堂故址俗呼太保廟

神為唐平陽溫瓊能除疫厲

國朝乾隆中建同治六年里人醮金重修金碧輝煌逾

於疇昔香火之盛甲一羣焉舊志謂信使金獲神

後以奉之

護國夫人廟 在通惠門內菱山祀唐孝婦馬氏咸

豐八年燬於寇同治十二年今 太尊潘公紹詒

倡邑人鳩貲重建孝婦景甯縣人事詳李陽冰碑見景甯縣志

順懿夫人廟 在縣治西太平坊鶴鳴井南祀閩中

女子陳靖姑 十國春秋靖姑陳守元女弟也嘗佩

篆驅使五丁承福有白蛇為孽惠宗召靖姑驅之

靖姑斬蛇為三詔曰蛇魅行妖術隱淪後宮誑欺

百姓靖姑親率神兵以安元元功莫大焉其封

為順懿夫人食古田三百戶以一子為舍人

東嶽行宮 在縣治西南有元項棟孫碑 案宋真宗

九年有事泰山嶽神顯異詔天下郡縣悉建東嶽

行宮此郡縣東嶽廟所自始也項棟孫碑謂括郡

東嶽之祠始創

於唐殆失考耳

麗水縣志卷六

麗水縣知縣黃平彭潤章重修

古蹟

池館之廢興等諸烟雲之變滅曾為賢者所經則

壞垣廢圃相與慕思之湯岐公名位烜赫當時今

府治實其故宅誰則興憑弔之思哉記載闕如蒐

羅容有未徧姑以所聞者著之其見於山水者可

互證焉

麗水縣故城 在今城西三十五里資福村唐初置

縣於此今其地有古城岡縣頭山舊城塘諸名

舊州治 在小栢蒼山

案方輿紀要謂舊城在府東南七里栢蒼山名勝志謂東

南七里栢蒼山正在其處非城中之小栢山也今考栢蒼山在縉雲界府城東南初無是山二書皆傳聞之誤
山棲志楊億至道中知處州與李起居書郡齋迤在香漢石磴盤曲策馬征登嵐竊滴衣烟霞滿目楊億與章廷評書郡齋岑寂宛在深山嶽訟甚稀賦輸易辨引領西目羣峯倚天清溪南奔淺深見底人家櫛次多在嵐烟中修竹喬林宛如圖畫

凝香廊 在舊州治

燕喜堂 在舊州治

志喜堂 在舊州治

月臺 在舊州治

采喻良能舊州治記臺舊名拜香天王居其前石僧在其側山之翠微近在杖席

凝霜閣 在月臺東郡守楊億建

趙應詩倚竹蕭蕭三兩竿公餘時得

靜中看何須更避人間暑滿腹冰霜六月寒

好溪堂 在凝霜閣下郡守徐度建范成大書榜

烟雨樓 郡守楊嘉言建范成大書榜舊址久委榛

蕪

國朝道光十八年崇福寺僧達真因一覽亭架樓其上

學使羅文俊重署榜焉登覽之勝水色山光在人

襟袖晚烟宿雨如遊畫圖中柳州所謂以極萬類

攬不盈掌者也咸豐十一年燬於寇今春 大中

丞楊公按兵來栢謂浙中烟雨樓有二不可聽其

久圯捐百金倡建屬官皆踴躍爭輸經營伊始而

落成有日矣喻良能記由凝霜下行至好溪堂軒

樓凭欄四顧目與天遠下觀千井提封隆樓傑閣

綠牕朱牖掩映於晴霏夕靄丹青水墨之所不能

盡令人目眩心憚徘徊而不忍去錢竽詩人在

神仙碧玉壺樓高壯麗壁城隅風雲出沒有時有

烟雨空濛無日無但得綠樽對酌何須紅袖醉

相扶郭熙去後丹青絕贖作新詩當畫圖趙離

詩畫棟飛雲暮靄寒樓臺城郭有無間烟收雨霽

曾看否見盡東南萬疊山鄭俠詩仙人居處即

鼇宮更作層樓峭倚空羣岫遠來烟漠漠大江

去雨濛濛花鑣柳策熙怡裏耘笠漁蓑笑語中別

有夜楹千里月凭欄清興與誰同

浙東道院

在好溪堂右

公宇也

喻良能記簾影無塵草色映階聞然蕭然不知其為也

洞溪閣

在舊州治堂西舊名松聲閣

少微閣

在舊州治後廳西郡守關景暉建米芾書

榜錢竽詩少微閣應少微星點點雲間分外明過

雨曉來添練水好山晴後見蓮城昔年人物不

常有近世英豪多間生顧我把

麾懶坐隱落霞孤鶩看題名

拂雲亭 在少微閣下郡守錢竽建

轉物庵 在拂雲亭後

照水堂 在少微閣西郡守李堯俞建米芾書榜

蘇

欽記枯蒼郡署冠前山之楓林壑蔽翳咸平初楊

文公起凝霜閣下覽平曠得遙岑遠林之賞當時

固以為佳處矣景祐中孫公元規移守此郡衆務

畢舉乃歷訪雄勝之地以圖燕休又得西北隅絕

巘之顛刻去叢穢豁見異境溪山之勢奔放空來

始規地命名詔徙他郡後更三守泯然不尋李君

然明之來制易隱滯細條一新吏民曉然踰年甚
 便然後思有以自適且將留風跡以遺後人景與
 意并正獲元規之地遂構廣廈有長溪者源自閩
 來趨過檻下因以照水題之前對南明山三平之
 舊隱也蒼翠古刹陰晴隱見又於東南明月軒稍
 却為燕閣閣之右又為風亭亭前啟軒曰夕霏是
 皆輔於照水而發於新意也華椽鬆楹下上相煥
 易去綦綦與政俱新蓋基於元規成於然明予慨
 然東望神爽坐馳恨不能劇飲酣歌俯仰周覽於
 其上或能圖以為貺尚可更發詠歌以足其未至
 者慶歷八年八月八日記喻良能記有四松高
 出於簷楹外如商山人衣冠偉甚微風過之如
 海潮聲直入世之絕境宇宙之奇觀也許尹詩
 清溪自古流溪深不見底日照鱗甲生風行穀紋
 起我雖仙都游不唾仙都地
 但欲向滄浪中流杭一葦

夕霏軒 在照水堂之偏郡守李堯俞建壁間刻名
 賢法書如蘭亭叙黃庭經樂毅論之屬案明一統志云夕霏

亭在府治宋建吳說
 書榜疑軒亭字誤

擬淞亭 在照水堂前郡守蘇易簡建下瞰清流環

望皆山故名喻良能記規模雖小意趣絕遠南明諸峯相距無一里琵琶捍撥橫陳洲渚漁舟買機出沒烟波欸乃之聲不絕於耳高似孫詩此作州居最茶能代夕杯山爭重疊秀林摺雨三迴石骨深連樹巖腰畧見梅少留原自好莫受賤烟催

翔峯閣 在舊州治郡守孔元忠建葉適詩九盤在州中萬象來四遠納於牀第近尋丈未為編日光既熙麗風日亦清展悠然不離席所得甚宏闡隱峯招伏岫勝躍俱赴眼下視田中禾藁粒猶可見臨觀要親切亦復貴眇緬峽山絲綫窄嶽極瀛海眩君看齊雲上蓬萊一汎五湖淺

博古堂 在舊州治宋別駕石某建張擴詩古人嗜書書不足家貧

無錢就市讀今人收書書填屋紅牙垂籤手未觸
別駕平生師古人傳癖書淫九經麓盧全撐腸五
千卷鄴侯插架三萬軸河東安世工補匹伏日郝
隆更曬腹近者聞說新堂成芭蕉急雨作秋聲請
君掃榻近燈火莫
歌長檠歌短檠

香風樓 在舊州治東清香橋上下多蓮花故名

西亭 在舊州治西楊億建楊億西亭即事詩郡齋退食復何爲縱目西亭

景物奇壘翠雨餘泉眼出澄潭風靜釣絲垂城臨
古戍寒蕪濶路轉荒村野徑危幾處唱歌聞白苧
誰家沽酒見青旗蝶隨游騎穿花徑犬吠行人隔
槿籬桃李成蹊春盡後魚鹽爲市日中時桑麻萬
頃時氛散絲竹千門夕照移吟際嶺雲飛冉冉望
中隴麥秀離離烟迷喬木鶯遷早水滿芳塘鷺下
遲車蓋翻然肯相顧
主人終宴豈知疲

惠風堂 在舊州治後廳黃葆光建內有烟雲洞

抱節庵 在惠風堂環植巨竹故名

南園 在舊州治南據名勝志則唐時已有之矣陸游

詩安用移封向酒泉醉鄉只擬乞南園更添小閣
臨灘石一洗人間歌吹喧春來歸路閱三州是處
蹴跌懶出游一到南園便忘返亭邊綠浸琵琶洲
曉鶯催繫柳邊舟巷陌東風拂面柔客裏又驚春
事晚夢中重續枯蒼游歡情飲量年年減古寺名
園處處留却羨少年輕歲月角聲如此不知愁南
游雲海歎茫茫又泛歸舟到梧蒼城郭淒涼歎遼
鶴鬢毛蕭颯點吳霜醉醺可把春無幾絃索初陳
燕未央樓下清溪三百
里溪流不似客愁長

酒稅署 在姜山前即宋秦觀謫監酒稅處劉廷璣詩地僻

官間亦可休更承風旨苦吹求兒曹積毀能銷骨
誤了東坡又少游 端木百祿詩一徑入松林松
花墮如雨古木葱龍中有宋權酒所緬昔秦少游
謫監村市酤藤陰夢何短風月莽誰主遙遙八百

年鶯花渺今古祇餘酒瓶在彭亨出黄土案縣治之西姜山之南向有淮海祠故址今誤稱其地為槐花樹下

蓮城堂 在南園郡守范成大建

點易亭 在南園通判司馬攸建

鶯花亭 在南園郡守范成大建秦觀千秋歲詞柳邊沙外城郭輕寒

退花影亂鶯聲碎飄零疎酒盞離別寬衣帶人不見碧雲暮合空相對憶昔西池會鵲鷺同飛蓋攜手處今誰在日邊清夢斷鏡裏朱顏改春去也落紅萬點愁如海好事近詞山路雨添花花動一城春色行到小溪深處有黃鸝千百飛雲當面化龍蛇天矯挂空碧醉卧古藤陰下杳不知南北范成大鶯花亭詩并序秦少游柳邊沙外之詞蓋在枯蒼監征時所作余至郡徐子禮提舉按部來過勸予作小亭記少游舊事又取詞中語名之曰鶯花賦詩六絕而去明年亭成次韻記之離長石

出水鳴隄城郭西頭舊小溪游子斷魂招不得秋來春草更萋萋愁邊逢酒却成憎衣帶寬來不自勝烟水蒼茫沙外路東風何處挂枯藤壚下三年平陽池館中文章光皎照金閨豈是遭逢乏聖時縱有百身那可贖琳瑯空有萬篇垂山碧叢叢四打圍煩將舊恨訪黃鸝林霜後黃鸝少須是愁紅萬點時古藤陰下醉中休誰與低眉唱此愁園扇他年書好句平生知己識儋州陸游詩沙外春風柳十圍綠陰依舊著黃鸝故應留與行人恨不見秦郎半醉時江濤和放翁詩春雨溪頭長柳圍游仙枕上賦黃鸝誰知醉卧古藤下却是浮生夢覺時王尚賡詩春風楊柳綠盈隄為訪黃鸝到小溪游子昔年餘韻杳荒烟羃羃草萋萋詞人何事每招憎回首蓬萊意不勝酒盞飄零疎舊雨徘徊間倚一枝藤取醉壚頭不筭窮鶯花遣興句尤工山城也比西池好斗酒雙柑鼓吹中離樽共飲倚香閣羅帶輕解掉時空對碧雲人不見滿襟應有淚痕垂城郭輕寒人柳圍秦郎此處賦黃鸝而今依舊黃鸝好不見秦郎醉卧時名賢高

躅一時休亭外鶯花似海愁千古
詞人知已少令人能不憶儋州

柳邊亭 在舊州治西南里許案秦觀千秋歲詞有柳邊沙外之句後人

因以名亭耳名勝志以為
少游所建蓋臆測之詞也

雙清閣 在僉判廳舊名盡心閣郡守錢竚改名之

龕郡治十二詠於壁案十二詠
今失考

見山樓 在通判廳通判董居誼建樓下植梅百本

董居誼九月梅花詩手植寒梅度一春主人指日
是行人孤根耐久不忘舊疎蕊逢秋已獻新堪笑
世情何恁薄不知花意却相親年年記取栽培力
為送幽香入夢頻樂繼宗詩憑闌一望三百里
頓豁病眸如酒醒浮雲不動
暮天闊秀色入戶羣山青

風月堂 在通判廳宋通判黃營建

舫齋 在推官廳宋推官王孝嚴建

眺閣 在推官宅

溪雨亭 在縣東二十里靈鷲山宋郡守劉涇建劉涇

詩塵土孤城空自忙不知精舍早秋涼林間曲折
磬三里天上金光月滿堂淨飯打魚剝老木寒灰
添火熟名香鵝鳩山脚溪
聲好流入人間雨意長

思賢亭 在洞溪唐郡守李敬仲嘗燕憇於此後人

就其地建亭焉王十朋詩段公不到溪豈好李守
已公詩更奇我向思賢亭上坐愛
山兼愛昔人詩案括蒼彙紀有敬
仲洞溪十詠係偽作辨見雜記

披雲亭 在望京門外

知津亭 在南明門外大溪南宋郡守范成大建

應星樓

在府學東南宋郡守王庭芝建城內水南

流者出其下有開禧三年碑葉宗魯撰何澹書案碑

云昔隋處士星見因置處州兩浙金石志云處士名州之說僅見此碑猶葵之應葵女台之應三台分野之末論也

好溪樓

在城東舊名濟遠宋郡守趙善杠重修

文英閣

在釋山下舊執禮坊宋隱士毛氏故居紹

聖間秦觀監酒稅嘗與毛游此閣秦觀詩醉頭春酒響潺潺壚下

黃翁寢正安夢入平陽舊池館隔花螭口吐春寒

山堂

在圍山宋王信別業

鎮東樓

在巖泉門右跨城爲之元達魯花赤幹勒

好古築城時所建城內水東流者出其下

國朝康熙初壞於水乾隆十八年知府駱大鵬重建咸

豐十一年燬於寇同治六年知府清安重建形勢

高壯稱鉅觀焉伊湯安詩一麾出守竟何營憑眺無端感喟生吏果循良終化俗民

多推魯但知耕天開曉霽山當面日落炊烟樹滿城嚮義自來生瘠土從今試聽管絃聲

巽峯閣

在東南城上中奉朱子像元達魯花赤幹

勒好古築城時所建舊面南

國朝道光二十五年知縣張銑易而面北同治四年知

府清安復易而面南前爲講武場犀甲霜戈以時

習肄大溪自西東去樹影灘聲發皇耳目亦登覽

之勝也

陳遇春九日巽峯閣卽事詩傑閣凌虛結構牢羣公相約此題餽衣冠共仰前型在

組練欣看列陣豪秋氣西來楓葉冷大江東去浪花高抽帆便捷航甌海回鶴山頭倒濁醪

懸藜閣

在姜山元東嘉高則誠撰琵琶記院本處

董旂詩先生贈雅才游戲役簡牘度詞寫幽意暖律吹窮谷會聞倚聲時坐擁雙華燭寶燄忽交花

四照散清馥至性神鬼感矧彼蚩蚩俗莊語世所憎微言轉可覺厥體雖俳諧用意良深篤豈伊關

王流導淫弛檢東古閣號懸藜當年此編綠衰草

纛寒烟何處尋遺躅簫管滿山城正唱中郎曲

菜窩

在城東明劉彬故宅

劉基菜窩說并序菜窩者宗姪彬之所以名其

居室也彬字宗文少好學有識而未用其居在處

州府城之東門每求予爲文而恆弗得暇今年予

來京師而彬亦以儒士貢爲工部主事因戲作菜

窩說且以勉而進之云爾犁眉公譚東門子賦曰

子之居東門也井地十畝既夷既壤箭濠爲溝倚

城爲墉藩以枳林緯以漿場是蓋比如京鉞鉄若

攢槍蛇蝎不能求其縫罅蚍蜉不能爲之穴隙也

何不壘之以種樹乎又何不耕之以藝稷黍乎不

然何不大爲之池分北山之泉流以養鯿與魚乎

徒何爲乎築陋室於其中壘糞土以爲壁茨以腐

茅蟻蝎是宅藉以瓦礫羊蹄豕跡與鼯鼠爲主客

平明出門不馬不車不羸不驢以造他人之廬呼

朋命徒左踰右趨談無用之空言強相名而爲儒

坐視殷賑之腴索爲蓬藿之區不亦悲乎吾聞燕

秦棗栗穰橙鄧橘李梨菓鬱秦杏周漆柿桃李模

琬容琰質椅桐栝栢堅積有瑟桂椒莢楸吐芳馥

畝木瓜楹棹藟葛芴叢蔓軫轄彼擎此茁或庸

其材或以其實或黃如金或赤如日翹蕭遠條可

蜂以蜜克勤厥營苟獲其一富擬封君受天之秩

范子所至穿池種魚史傳貨殖盛稱陶朱入口之

家五畝之宅牆下栽桑足以衣帛今子不士不農

不商不工綴籍州庠口體不充人皆子嗤子曷不

憊東門子賦聽之愀然思之杳然瞿然而作再拜

而作立而言曰公有言吾獲矣而吾亦有知焉請

以復於公吾將以藝稷黍乎則古人一夫受田百

畝而給今將以五畝爲宅矣則所羨不過二十之

一不能以不飢也抑將以種樹乎則近者非四三年不成不知遠者又幾年乎則我身時耳貨力於人費也抑且為池以畜魚乎則待汲也今當種菜而何日成乎不可以嘆吾肱而待汲也今當種菜而鬻焉尚庶幾哉可也夫夫菜也者采也君子之所采也或謂之蔬焉蔬也者疏也食梁肉者之所疏也君子所采而食梁肉者疏之庶幾或者可以裕我矣乎乃往訪於溪南之圃人得膏土沃泉之術菟四鄙之菜類其族而種之買牛牯一特二鑿其萊蕪芟去與葳拔其芟杜阜翳擇而地之穿井於其四隅建桔槔焉澆水有池洩水有渠或培或滋或叢或奇灌溉攸宜或耘或耔疎稠比稀慈穉舉肥根莖實黃各隨其時羅之離離盪之菲菲未淡旬日而東門氏之童色澤如也貌憚如也窺其園則鬱鬱芊芊入其門則盎然春溫有酒盈尊他日犁眉公過焉東門子賤御諸門犁眉公笑曰子亦足於斯而已乎東門子賤再拜謝曰吾願見公而有陳焉久矣請坐於吾廬而為公言之可乎公曰吾願也東門子賤曰公能悉識吾菜乎公曰未也請之園而言焉曰始吾之不營是園也漠乎其無

思也今吾之既營是園也惟其所以壯吾地而厚吾生則非一日也天地久其道而萬物生聖人久其德而庶功成士農工商久其業而百務貞故植非以為之君非者久也所以久吾生也致久必慎其揆故植之以葵葵者揆也揆得其道則視明而聽聰故植之以葱聰達則得筭多故植之以蒜蒜筭也筭不失家必豐故植之以薑豐則疆矣故植之以薑薑疆也物大疆則過剛過則折君子戒焉故植之以芥芥者戒也戒事者思必苦思苦則毒故植之以茶茶毒罹於中而用力勤故植之以芹勤極則病故植之以荏荏柔而弱也病之劇也劇必弱故植之以荏荏柔而弱也病之劇也劇以薇薇骨傷也骨微則羸其行故植之以蕒蕒者儂也愈病必以藥故植之以芍藥藥攻病不可失其養故植之以鞠鞠養也得其養而後蘇故植之以蘇蘇則起矣故植之以芑芑起必慎以保其後故植之以瓠瓠者護也護不違乎道則難舒而福生焉故植之以芑芑者社也引社莫大乎育德故植之以蓄蓄必有濟故植之以薺薺者濟也濟自近而之遠自卑而底高也故植之以菘菘者高也高

極必窮故植之以芎藭慮窮者必早計故植之以
 薊薊者計也吾朝而游焉觀其萃萃菁菁可以悅
 吾目而暢吾情夕而游焉擷其芳而茹其英可以
 旨吾腹而曼吾齡又可以究吾知而通物理安得
 不悠然而永懷怡然而自善哉夫吾廬窩也不足
 以延長者而長者肯臨焉不可以不志請名之曰
 榮窩願公為吾誌之犁眉公大悅遂旅其菜酌其
 酒書其言而去又榮窩遣興詩歲暮寒氣冽今
 晨頗和緩登高眺原陸陡覺生意滿日色照地黃
 牆影看漸短草抽識土膏魚出知泉煖吾生亦天
 物安得不樂行且復擷其蔬獨酌慰衰晚案宋
 濂為彬作抱甕子傳謂彬於少微山趾為蔬圃蓋
 彬嘗寄寓少微
 非其本居也

溪南草堂 在城外溪南明葉叔安故宅

劉基溪南草堂即事

詩溪上草堂盈十尋疎楊密竹各成陰綠烟繞舍
 桑畦靜白水當門稻遂深過雨忽翻金碧影涼蜩
 亂發管絃音此時不省愁何在坐到鴉棲月滿林
 又浣溪沙詞細草垂楊村巷幽白沙素石引溪

流青苔磯上有扁舟門外好山開
 屋頭新月學簾鉤窗風一榻似清秋

邵金館 在劉山明溫州守何文淵邵金處

國朝康熙二十九年知府劉廷璣重建章綸記太子太
 保吏部尚書廣
 昌何公宣德中守溫以朝覲至京道經栢葉馮公
 嶺夜宿逆旅永嘉縣丞于建遺其子間道懷金贈
 公公笑而卻之過客聞之遂書邵金館三字於壁
 有司於其地剗造亭館立坊道左自此驛人墨客
 咸形之聲詩至今五十年坊額朽腐溫州府三山
 項公澄乃捐金復葺之而屬綸為記然此特公之
 一節其政之設施則又有歷歷可徵者焉潘潤
 記予少時讀西山律已箴知廉為士節而未易其
 難能也比登仕籍察諸人屬諸已始知其不易廣
 也丙戌承乏栢郡過淮陽謁南屏高先生日昔廣
 昌何公守溫有惠政持已甚廉去之日無以為行
 費永嘉承于建遺其子率五邑之民醵金若干鑑
 追至栢之俞嶺固贈之公不顧而去民以其金建
 亭于其地扁曰却金溫先哲少宗伯章公嘗表其

事於石矣近年當道謂此不足尚易扁仆碑此何
 為者哉今于茲枯請復置之以厲頽風比予辰止
 而大歎民困未幾冠作閣二年政稍通乃檢郡志
 得章公之文市石刻之復舊扁於亭以表高公好
 古之誼并以媿世之矯情者若夫起頭立儒在人
 自處何如耳溫純記丙戌夏余巡海上過東甌
 曾一走公祠比抵枯憩公館下裴徊不忍去館稍
 稍就圯而規制陋分守與備兵使者暨枯蒼守麗
 水令俱公里人謀所以新之余曰是吏治所繇汚
 隆也余實尸之矣詎必里人哉斥羨金佐其費令
 恢其制以示崇重詎工前為大門門內為廳事廳
 事之後為堂附於堂者為碑亭翼於左右者為廡
 房計廊而增於舊者十之四楹而增於舊者十之
 五計崇庳則聳而增於舊者十之三輪奐美備過
 者不啻奉公之儀形而色動心休矣皇甫詩
 茲山有崇構本自薄黃金荒草空成昔清風猶在
 今鋤揮曾不顧裘敝亦何心願得無相贈迷名寄
 已深侯一元詩幾度經孤館悠悠感四知白蘋
 祇自潔青簡至今垂澤國餘鴻雁高林多暮鴟何
 由挽孤竹風徧入方吹顧大典詩華館抗崇林

清風振古今高人敦素節雅志薄黃金嶺鎖秋雲
 冷亭虛夜月侵宦游當此地俯仰意何深許國
 忠詩岩巖命嶺數登臨廉吏會聞此却金孤館無
 塵遺素節層臺有客寄高吟青山不改當年色明
 月常懸去後心我亦勉為知音

綠波亭

在枯蒼門外

枯蒼彙紀後為清波亭一名如

錦亭

在清香橋北

蓋因濟川橋在是而

得月亭

在清香橋北明嘉靖二十四年知府李冕

建

皇甫詩清溪一何湛源深白雲曲望舒忽東

時復沈散金如可掬雖乏謝監踪聊

洞天樓

在南園之南登萬象山者率取道於此

德星里

宋鄒應龍故宅

應龍邵武人官至資政殿學士贈少保見史傳其

宋贈 宋孝 州 宋郡 吳 吳越 軍 唐司 景 梁詹 次 加 仁 冢墓 續蒙 長 盧鏜 門 成

阻 月 廟 羊 海 一 律 之 散 八 立 國 左 六



尚存案傳龍泉人為太傅執中之孫參政澹之父碑稱其數御史尹穉罪至欲請尚方劍斷姦臣頭蓋超其家風者也以宋史無傳特附表之碑文見續括蒼金石志

宋給事中王信墓 在十六都保定墓誌尚存番陽

洪邁撰文妻郭碩人墓誌永嘉戴溪撰文俱詳括

蒼金石志

宋轉運副使葉宏墓 在大杉源山

宋道士章思廉墓 在少微山紫虛觀後

宋少師梁汝嘉墓 在十八都石侯村案周必大梁汝嘉葬於松陽惠洽鄉茲從括蒼彙紀

元教授鄭謹之墓 在縣治西姜山

元處士祝子和墓 在縣東二十里靈鷲山墓誌尚

存見金石志

元處士葉元灝墓 在喜康鄉上黃

元處士黃許墓 在葉街

元處士趙友桂墓 在南明山西

元孝子祝大昌墓 在縣北十五里武村蓮花墳

明縉雲伯胡深墓 在縣西五里石獅街案深龍泉人征陳友

定死於福建明史有傳

明南陽郡侯葉琛墓 在縣西四十里高溪源黃壇

嶺

明刑部尚書吳公達墓 在縣西北三里三巖寺右

明禮部侍郎吳政墓 在縣東十五里望城嶺下集

禧觀右

明刑部尚書薛希璉墓 在縣北七里今呼薛墳岡

明按察司僉事金愷墓 在縣東九里子知府文御

史忠忠子知府祺並同域

明南工部尚書俞俊墓 在縣南五里巾山

明參議鄭宣墓 在望城嶺

明福建副使汪瑛墓 在漕塘

明通判高岡墓 在巾山左

明榮府審理正戴鏜墓 在麗陽原子進士濂祠

明知州葉曾墓 在巖泉門外五里

明太僕少卿張敦仁墓 在三都五鳳樓

明刑部主事張敦復墓 在小栢蒼山麓

明雲南參政何鏜墓 在喜康鄉武山

明總兵盧鏜墓 在白雲山趾

明太常卿呂邦耀墓 在蘇宅圍

明贈太僕少卿王敦儀墓 在縣北壽元山下

明南光祿寺卿王一中墓 在壽元山下三公路

明參將續蒙勳墓 在巖泉門外黑橋莊子漕運都

司孔教附

國朝處士錢銀墓 在望京門外白雲山岡

國朝武義教諭徐望璋墓 在巖泉門外楓樹崗

國朝府經歷方溥墓 在行春門外弓岸 案溥江西人咸豐間任處

州府經歷老成持重性廉介屢攝邑篆不名一錢十一年粵匪陷松遂知府李希郊戰敗不屈死溥

聞為位以哭人勸出城避寇笑曰避將何之遂整衣冠繼於萬壽宮嗚呼從容就義可謂烈士矣

邑志例不得立傳附書於此以誌嚮往云案邑紳王宗訓楊世環吳德馨王如辰王庭芝等於賓興

項下稟撥祭田土名附 一巖泉門外三角地田四坵額參畝五分 一行春門外火零壇地一畝

國朝知縣吳爾慶墓 在巖泉門外堰古張孺人附

鄭以德吳公祭田記邑侯吳公諱爾慶號吉雲安徽桐城人咸豐己未捧檄來栝栝自戊午陷賊瘞

瘼滿野公下車休養生息以愛人為務民感戴之

庚申賊竄省垣郡城戒嚴捐餉辦團令甚迫公軫

念民艱不忍厚斂忤當事意遂解任明年賊踞處

郡挈眷避青田之九都又明年賊退公歸時疫大

作公與夫人少君相繼病少君死夫人又死病益

劇遂不起邑紳諸葛縉王國秀為之經紀其喪國

秀復慨助葬地殯公與夫人於東門堰古之原事

竣諸同人曰吳公賢侯也遭時之難賫志以終不

醜金為掃墓計越數年必蕪沒於空山矣議未行

適邑有私售賓興田者事覺贖回因具稟於府尊

撥若干畝為公祭田蒙批如議行乃集同人輪值

經理司其事者予與諸葛縉王經趙克儉王宗誥

許一鈞王宗訓王國秀也祭田土名附 一奚渡

西坑橋頭田叁坵額叁畝又馬光橋上屋後田壹

坵額陸分 一黃毛莊尤君殿前

北坵邊凸頭田壹坵額畝捌分

義冢 一在縣東北五里宋嘉熙四年州守馬光祖

置一在縣東北五里堰古明成化十二年知府韓

裴置一在縣北四里天甯寺西嘉靖四十三年知
 府張大韶置一在縣北十五里望城嶺下嘉靖二
 十三年知縣吳梓置一在縣北五里郡厲壇側嘉
 靖四十四年教授陳曾置案以上五處彙紀屬之
 扁澤園別標義冢之目
 考宋崇甯中令州縣以常平錢置漏澤園葬
 死而無歸者實卽今義冢也故不立二名云一在
 巖泉門外一在縣西三十里資福塢廣袤五里始
 置之年俱無考一在城東十五里上岡背

國朝道光二年知縣田瑞庭置一在城東十五里望城

嶺道光初署知府鄧廷彩置有知府李
 蔭圻記一在縣西

南五里呂步阮酸梅岡廣十畝道光十九年里人

姚學成置一在縣西二十里下堰同治五年知府

清安勒碑永禁墾種一在通惠門外西山土名八

繳地廣三畝六年知縣劉錫彤置

附瘞骨塔 一在縣東巖泉門外邑人黃庭經項

之梁鄒汝琛李聯芳等捐造一在縣西四十里碧

湖里人林永年捐造

麗水縣志卷七
 麗水縣知縣黃平彭潤章重修
 寺觀
 二氏之教非
 聖代所尙往昔琳宮梵宇有鞠爲茂草者矣顧或地居
 名勝爲前賢觴詠所輟亦覽古者所樂道也凡舊
 紀所載無問興廢悉錄之以備考云
 普慈寺 在城北六十里吳赤烏元年建
 天甯萬壽寺 在城東七里唐景雲二年建
 處州天甯寺詩人言老去不如初我愛初心老轉
 無癩向門前題鬱壘喜從人後飲屠蘇杯盤甚簡

麗水縣志卷七

麗水縣知縣黃平彭潤章重修

寺觀

二氏之教非

聖代所尙往昔琳宮梵宇有鞠爲茂草者矣顧或地居
 名勝爲前賢觴詠所輟亦覽古者所樂道也凡舊
 紀所載無問興廢悉錄之以備考云

普慈寺 在城北六十里吳赤烏元年建

天甯萬壽寺 在城東七里唐景雲二年建

處州天甯寺詩人言老去不如初我愛初心老轉
 無癩向門前題鬱壘喜從人後飲屠蘇杯盤甚簡

眼須早禮數多寬拜要扶况復齋餉僧紙帳雞人不聽禁庭呼芳岳離枯日子安湯卿子貫同宿天甯寺詩數月蒼州住山猶有故情雨如知去日詩亦了行程官柳因寒損僧茶帶雪清怕無書信便一夜話連明朱應鍾詩比郭山迴麥隴斜碧蘿紅蔓記年華寒原樹映千峯色古寺林開五月花游客未應忘色相老僧誰復具袈裟絕憐太僕題詩處今日齋堂集暮鴉

文殊寺 舊在城東五里唐開元初建元至元中燬

於火大德中買宋葉樞密經堂舊址改建於城中

黃靈橋南

能仁寺 在小栢蒼山唐天寶元年建

護法寺 在天王山唐天寶元年建有雲林閣栢蒼

僧守約麗水人誦法華經有悟人稱之曰約法華晚住天王護法院嘗夜出守門者夢伽藍神呼佛

歸起開門師適至眾咸異之後坐化葉夢得雲
林閣詩蓬萊仙人好樓居飛騰十二鄰紫虛茂陵
劉郎厭塵土欲棄敝屣追霞裾柏梁建章上香漢
凌雲作賦憐相如九關竟斷雷雨隔汗漫未可憑
尻輿百年玉椀在人世白髮既老誰能除那知幽
子三昧手坐斲一室劉崎嶇飛闌跨空綽干嶂下
晚眾木森扶疎真游已遠不易到幽事僅足那求
餘我來佳處得咫尺崖谷更值晴烟初起然便覽
塵境絕脚底未怪鳴鐘魚案葉詩語氣
未完恐有脫佚篇中劉郎亦未知所指

勝因寺 在城西南十五里唐大和九年建

大明寺 在城南二十里大梁山下唐大中元年建

仁和寺 在城西十里蘆灣唐大中二年建舊名靈

隱宋大中祥符二年改今名

延福寺 在城北四十里唐咸通中建有宋建隆三

年碑

壽甯寺 在城北十二里壽元山下唐咸通十三年建

梵安寺 在城北二十里唐咸通中建

崇梵寺 在城西南十五里唐咸通十三年建

延昌寺 在城西南六十里北部唐乾符元年建有

宋紹定寶祐二碑

大安寺 在南明山名勝志唐中和間三平和尚所建和尙每騎虎出山至溪津叱

使還徒步入城晚歸則虎候溪濟載還山以為常
明一統志三平眞身像在麗水大安院有破衲
若蟬翼藕絲其徒寶之
兩浙名賢外錄唐僧明
覺麗水人住南明山雪竇禪師頌之曰三界無法

何處求心白雲為蓋流水作琴一曲二曲無人會
雨過夜堂秋水深時有解脫和尙者亦住南明嘗
月夜靜坐依華嚴經入佛光定感化佛出現由是
悟入三摩地辨才無對當時禪學之士皆言法中
義虎南
明有二

法海寺 在圍山唐光化二年建名報恩宋大中祥

符元年改名法海政和七年改為神霄玉清萬壽

宮旋改眞身寺建炎元年復今名

國朝康熙三十三年住僧法鑑徙古老君廟銅鐘於寺
後建明遠樓以覆之鐘為宋紹興三年天慶觀道
士吳師正所鑄形鉅而質良城中遇火聲之以警
衆自粵匪蹂躪樓燬而鐘半陷土中近邑人謀釀

金建復焉

秦觀題法海平閣黎詩寒食山行百鳥喧春風花雨暗川原經旬移病依香火

寫得彌陀

七萬言案此詩枯蒼藁紀誤屬法安寺今從淮海集正

不歸此生

相見了無期保持他日蓮花上重說如今結社時

宗革本寺

作神霄宮師陞座謂眾曰更僧寺作神香佛頭添箇冠兒有何不可山僧不免橫擔拄杖

高挂鉢囊

向無縫塔中安身立命於無根樹下肅月吟風去也

改寺額曰

真身注瑛避暑詩端陽纔過暑方酷主人勸我蒲萄綠三杯引滿便陶然睡起南窗看

傍竹招提

猶是舊登臨古殿雲深肅書陰鼓罷瑤琴日亭午却來風處一披襟

惠明寺

在城北四十里唐天祐元年建

福林寺

在白雲山唐雪峯和尚四世孫福林澄禪師卓錫於此元縣人吳德太新其遺址延僧以假

為住持今有柳贊撰空中禪師塔銘空中以假號

也又有宋濂撰白雲禪師塔銘及至順元年萬佛

良緣碑寺屢燬於火住僧景林募建未就卒縉雲

棲真寺僧達智踵成之近經兵燹復又摧殘剥落

矣案僧明本崇福寺碑云眾請出世住白雲法會禪刹故枯蒼藁紀謂法會寺舊名福林在白雲

山也然柳贊空中禪師塔銘云師避喧枯城北法

會寺主子文問請師曰距城十里有白雲山院曰

福林僧文欽萬佛良緣碑云白雲峯巒秀拔宋咸

淳間遷寺山下舊址荒穢將百祀延祐戊午法會

住持文長老請空中重復前儔則法會非即福林

矣諸碑並出元人未知孰是又雍正處州府志別

出白雲寺謂至正辛未建額曰福林今考福林之

在白雲其來已久碑碣可證非元代始建至正亦

無幸未皆府志誤也梧蒼藁紀空中棲禪白雲

山四方之侶聞風來赴履滿戶外至元丙子一日

援筆書偈曰地水火風先佛記掘地深埋第一義
 一免檀那幾片柴二免人言無舍利跣跡而化
 稽古續錄智度號白雲麗水人俗姓吳年十五投
 禪智寺空中假公薙染受具深習禪定達旦不寐
 者三載於白雲山築舊福林院以居與毒種曇光
 成山欽公互相策勵洪武二年詔徵天下名僧師
 豫焉還居虎跑復趨華頂旋回福林沐浴易衣書
 偈而逝（稻蒼彙紀）白雲禪師年十五薙髮游七
 閩諸山還定居白雲胡深嘗造問之曰滅却心頭
 火特來參老禪師以機鋒語應之深怒欲刺刃師
 曰心頭火未滅畧撥即生烟深愧謝復問師曰若
 問前程事古月落西川後深征陳友定戰死西陽
 秣（秣富詩）山上禪門寂不關白雲野鳥共高閑誰
 知紫綬金章客與在清泉白石間境為通幽悵亦
 愛峯於最上倦猶攀詩成媿我當官去又促肩輿
 問市寰（張寰詩）高峯深處扣禪關百轉籃輿意
 自閒飛瀑長鳴幽澗裏蒼松半插白雲間早春亟
 辦登臨費遠嶠徐從杖履攀宦況不隨多病減野
 情久已隘塵寰（許國忠詩）蓬壺高倚白雲隈九
 日重邀仙侶來疊嶂晴光愔外閃平原秋色掌中

開貪看松菊頻移席笑摘菜黃數舉杯明月共憐
 今夜好樓頭莫惜漏聲催（韓錫昨詩）平野扇涼
 風山光得秋態上攀青霄行下受遠山拜洞壑欵
 已開松杉窺其內池冷天清虛寺古金鎖碎諸佛
 相莊嚴定寂忘知慧方丈映苔竹鬚眉亂蒼翠香
 茗滌塵心清供分道味十年游興積於今始一遂
 豈必武陵溪
 縹緲乃世外

禪智寺 在城西七十里岑峯吳越寶正元年建（禪）

彙紀寺有紫牡丹一本高丈餘每開五百餘花花
 各十二瓣值閏年則十三瓣宋政和間宣索入御
 苑花不開詔還山復開成化十
 三年寺燬於火花已枯落矣

妙善寺 在城西四十里吳越寶正元年建

寶勝寺 在城西南二十五里吳越寶正元年建

大雲寺 在城北四十里朱梁乾化二年建

多福寺 在城東二十二里後唐長興二年建

常樂寺 在城北六十里石晉天福元年建

妙智寺 在城西二十六里石晉天福二年建

悟空寺 在城西南五十五里石晉天福二年賜名

有宋寶祐三年咸淳五年二碑

化城寺 在城西四十五里石晉天福三年賜名案舊

誤作化成今據永樂三年魏村墓誌石刻改正

資聖寺 在城西四十五里石晉天福五年建

淨居寺 一在城西南五十里五代漢乾祐元年建

一在城北二十里宋嘉熙三年建

法興寺 一在城南十里五代漢乾祐二年建一在

城北半里北郭橋西亦五代時建

瑞相寺 在石僧山五代漢乾祐二年建有廣照亭

王希魯詩霜落寒溪褪淺沙斷崖蒼蘚卧枯槎但知有酒可留客何事無鄉苦憶家短景路長人跡絕遙天風急雁行斜試憑金地舒愁眼看盡歸鴻入暮霞

崇法寺 在城西南三十里五代漢乾祐二年賜名

普信寺 在城東十里五代周廣順二年建

定慧寺 在城北四十五里五代周顯德二年建

妙勝寺 在城西南三十五里宋建隆元年賜名

法喜寺 在城南五十里宋建隆元年建有元致和

元年孤峯禪師碑

清心寺 在城北五里宋乾德元年建

佛日仁壽寺 在南明山宋乾德三年建湯思退請

為功德院賜名佛日報嚴寺改名仁壽未知何歲

元至元中燬於火大德中重建歲久傾圮住僧達

識繕宇葺牆復成崇構范銅為鐘形製巨麗撞之

聲殷林木為南明之游者咸借憩於此焉案仁壽大安各

為一寺近歲重建碑文謂唐曰大安宋曰仁壽誤

端木國璫寄仁壽寺僧詩昔訪高陽洞題名在

戒光寺 在城西五十里宋太平興國二年建

聖壽寺 在城北六十里宋大中祥符元年建

法安寺 在城西南一里宋大中祥符初建紹聖間

秦觀謫監酒稅青田曇法師於此結庵居之秦觀處州

水南庵詩竹柏蕭森溪水南道人為作小圓庵市

區收罷魚豚稅來與彌陀共一龕此身分付一蒲

廣聖寺 在城東洞溪即唐郡守李敬仲燕憩之所

宋皇祐元年賜今名後廢

國朝嘉慶十八年里人即其地建玉成觀許尹詩刺史

桑柘村懸巖蒼蘚合壁野雲昏水面春風皺花

枝暮雨痕我來訪遺跡只有斷碑存皇甫詩

東溪斜帶郭五里接仙源嵐氣迴盤嶺灘聲到石

門僧開翠微舍客造白雲軒訝可無機事看鷗代

晤言 顧大典詩北郭廻盤嶺東溪注急灘空林
清梵出孤磬夕陽殘像古黃金淺泉飛碧玉寒禪
心如定水何
處有波瀾

定光寺 在城西五十里宋治平二年建

山門寺 在城西七十里均溪宋崇甯元年建

廣福寺 一在三巖舊名壽聖有摩利支天像宋靖

康中士民為知縣江安止祈福所造隆興元年改

今名

國朝康熙三十三年知府劉廷璣重脩寺後有鳴玉堂

冰雪亭

劉涇詩混成初造物幽絕故離羣入戶清
容月分栖淡借雲木陰闌暑氣泉滴厭秋
聞欲索秦人記消磨篆不文
案劉詩刻三巖石
壁彙紀入之靈山寺誤也
季能詩玉峽何年劈

作三至今勝跡鎖烟嵐鳥飛花雨落巖竇龍起風
雷遶石潭留供禪僧參玉版聽經山鬼護琅函晚
來更覺多佳趣兩耳松聲酒半酣
張敦仁詩何
處尋幽勝西山石洞陰懸崖飛瀑細野徑薜蘿深
橋斷方通沼亭危倚碧岑
與豪歸路晚明月照長吟 一在城西四十里碧湖

亦稱碧湖寺唐天寶三年建同治五年知府清安

飭縣募錢唐王光祖紳董葉文濤沈毓彥汪植祥

徐元泰鳩貲重建

張吉安詩留得殘碑在荒苔漠
漠青田拋僧結訟寺古佛無靈

飢鼠饒穿壁飛蟲鬧滿庭會聞講座山鬼夜聽
經宿碧湖寺不寐詩蟲冷自相語繩牀伴寂寥
秋吟山骨瘦春夢酒痕消蕭鼓叢祠鬧魚鹽近市
囂誰能知我意永夜一燈挑碧湖寺即事詩
居淮海住圓庵我亦生來冷澹堪吏散靜如僧退
院官閒夢與佛同龕文書遮眼明朝事詩句關心
靜夜參輪與癡奴真解
脫忘機一枕睡酣酣

停雲庵 在城東二十里宋乾道元年建

靈鷲寺 在城東二十里靈鷲山始建之年無考有

元至元二十六年重刊宋淳熙四年碑前列四塔

有嘉定九年及十一年款識

崇福寺 在萬象山元貞元年僧行英建始為萬

象庵大德十年改今名有延祐七年碑僧明本撰

趙孟頫書明本即時稱中峯禪師者也碑陰刻明

萬歷間重建記撰人為屠隆書則林芝也

國朝道光六年住僧達真重建像設莊嚴殿宇宏麗為

城中諸寺甲觀知縣張銑有記自粵匪踞城金碧

化為灰燼同治七年僧精一募緣建復然不如昔

之瓌瑋矣

皇甫沔詩蓮城最高處蘭若此中開水見東溪去僧聞西域來啼鳥喧梵座花

雨淨經臺觀萬俱空寂何須得象回顧大典詩聊因簿書暇靜憩此禪林秋水澹吾慮白雲怡道

心層城蒼岫合高閣夕雲沈萬象俱虛寂觀空意已深

孝節庵 在溪南下步莊元孝女陳妙真廬墓於此

至正八年賜名事詳列女

案石刻有宋濂節孝庵記與宋集陳孝女傳間有異同又石刻作妙真集作妙珍未知孰是

四果庵 在下河明天啟四年縣人光祿卿王一

建觀音閣於後

王一中四果庵建觀音閣記栝城東五里許有四果庵歲癸亥予以

假歸就其地追薦亾女見溪流前遠林木翳然因覓季氏地拓庵之後剏大士閣為亾女助冥脩女

名蘭生聰慧好書一過輒成誦戊午予以考選寓京家人聞京師戒嚴驚懼女年十五宴然如故且戒家人毋傷大人辛酉遼陽陷女適噉櫻桃聞之鬱鬱不樂輒吐血壬戌予按登萊其春有廣甯之變予星馳至東牟其夏白蓮妖教猖獗女聞疾彌甚迨事甯予得代南旋女喜迎於五雲余夜半始至旅舍女勞望久血不止至秋竟不起蓋其天性至孝念予而至此也揮淚記之以見是閣之所由建云

大覺庵 在巖泉門外里許始建之年無考

國朝同治六年僧常達重建

大士閣 在行春門外明建跨濠架木椽以水榭

國朝嘉慶五年壞於水十九年里人釀金重建

明覺寺 在城西北四十五里案栢蒼彙紀云唐開興三年建考宋理宗

端平元年金哀宗改元開興三月國亡唐無是號紀誤

正悟寺 在大溪南案栢蒼彙紀云唐貞明二年建考貞明乃朱梁末帝號非唐也

紀誤

報慈寺 在城西三十五里本殷敬宅捨為寺

妙法寺 在城西十五里

泰興寺 在城西南三十五里

妙覺寺 在城西二十里石牛張吉安石牛寺詩小憩石牛道離城廿里

賒柏林霜染葉蕎麥雪鋪花古渡餘寒水沿村踏淺沙相逢谷口鄭僧院共煎茶自石牛寺至新亭莊詩又到石牛寺憑闌一望中斜陽僧喚渡落木鳥呼風鏡水寒光澈琴山遠意通遙知碧湖畔晚市暗戎戎一幅荒寒景詩從畫裏尋童山多削骨老樹半空心水落沙痕淨雲低雪意侵錯驚梅

芎破相子
綴霜林

涵白堂 在城西四十里碧湖中堡兵燹後頽圯同

治六年縣幕王光祖邑紳沈毓彥鳩貲重修

慧燈寺 在城北二十五里張吉安詩飢鼠齧牀龕
火緣殘僧煨芋地鑪紅

擁衾一覺涼如水
夢在輕烟薄靄中

西竺寺 在城西三十里椒山張吉安詩椒山巖岫
好西竺契眞傳佛地

香爲界僧廚竹引泉烹茶湔世味煨芋證前緣敢
繼昌黎躅畱衣與大顛自注云寺中古桂一本花

時香聞十里住僧
滄月潮州人也

惠日寺 在縣西四十里碧湖上堡

慧力寺 案以下二寺見宋濂撰
俞巨川墓記未詳所在

慈仁寺

天壽寺 在縣東六十里吳處金烏界獅巖山明萬

歷元年建

老君廟 在縣治東南一里晉建唐開元中改開元

觀宋大中祥符元年改天慶觀米芾書額元元貞

元年改元妙觀明洪武二十三年燬於火惟鐘樓

存宣德八年修

國朝康熙中鐘徙於法海寺栢蒼彙紀王應廉字正大
麗水人天慶觀道士受上

清法籙政和二年賜紫衣得養氣之術於西蜀李
曼老紫氣溢眉間好讀南華經士大夫樂就之清

談竟日戶外之履常滿所居室曰渾淪庵雨浙
名賢外錄葉文詩麗水人嗜酒善詩畫輒累月不

出出則羣兒環之或與之錢則悉與路人賈祐甲寅十二月嚴寒浴於觀池擲其衣獨臂二草履作偈云似癡非癡似醉非醉竹杖芒鞋落魄半世清風明月逍遙流水白雲自在端坐而逝枯蒼彙紀文詩為天慶觀道士時稱葉書記既葬人或遇於路跡之復不見蘇伯衡梁道士傳梁貞字松間麗水人入歲喪父母十二投紫陽觀為道士旋入元妙觀事希元傳其道集賢大學士薦於朝得處州路元妙觀住持提點郡嘗旱長吏禱且兩月終不雨詣貞請禱俄陰雲四合風雨大作三日乃止貞曰我豈能致雨雨適與醮會耳貞惟一兄五十不娶貞罄橐中金涕泣勸兄娶婦得二子

黃靈觀 在縣治西黃靈橋上唐刺史李邕撰葉慧

明碑及夢中書葉有道碑相傳皆於此觀也

妙成觀 在少微山唐建名龍興宋治平間改今名

元至元二十五年重建有春新堂溪屏閣豫章洞

天然圖畫亭掀篷室諸勝

案名勝志謂唐貞元間建枯蒼彙紀謂天師葉

法善居之今考法善卒於開元八年見唐書下距貞元六十餘年若果建於貞元法善何由居之乎二者必有一誤枯蒼彙紀劉雲心名德劭麗水人學道於妙成觀善琴工詩精意元學郡有疾病水旱必禱之謝遺俱惠貧窶平居無身外費眉間有七黑子若北斗狀至正庚寅年八十八沐浴坐正室索筆書偈而逝施舉縉雲人學道妙成觀號紫霞張真人聞其名寫紫雲山房圖贈之洪武中坐其徒事軍士以杖促其行杖自折赴京得釋歸承樂元年年八十四坐逝何宗姚掀篷室詩畧掀篷起看山前不數王維畫輞川簷外鳥曉臨水樹竹根人語下溪船兜葵燕麥春新地茶屋碁牕物外天每訪舊游思舊事故人疑在石磯邊劉基妙成觀用何逸林通判韻詩我訪仙家滯暑前青楓綠柳暗晴川竹根露濕登山屐沙際鷗迎渡水船雲氣長留虛白室丹光直上蔚藍天純陽道士重來日為問蓬萊是那邊又北亭用何逸林韻詩最愛青山滿目前更憐亭榭俯清川草深

林靄迷樵徑花落巖巖點點客船碧湖金芝新出地
 丹崖石穴舊通天神仙應在樓頭上翠羽霓旌下
 日邊石穴又挽道士劉雲心詩少微山下葬神仙白
 玉樓中迓翠軒弟子焚香元鶴逝天官肅駕紫鸞
 翻金丹縹緲空山月鐵笛淒涼遠樹烟溪上故人
 如見問碧桃花裏過年年謝天與掀篷室詩扶
 節仙島訪槎前掀起吟篷看碧川鳥宿林烟高下
 樹槽鳴溪雨往來船欲尋樟洞疑無地應想桃源
 別有天今夜月明回首處一聲孤鶴白雲邊金
 文掀篷室詩捲幔羣峯在眼前俯身孤影蘸晴川
 幽香喜入樓眞境醉卧渾疑罷釣船仙子慣曾騎
 白鶴道童却解舞青天歸來屢作江湖夢長傍蘆
 花淺水邊金忠掀篷室詩倚篷獨立晚風前滿
 目溪山錦半川別墅雲遮春藥確中流人泛採蓮
 船水濱臺榭疑無地物外烟霞別有天幾度來游
 餘與在夢魂還繞五湖邊周野雲天然圖畫亭
 詩雲鎖高亭十二闌天將圖畫置丹寰捲簾青露
 石根竹開戶綠分溪上山花落淡烟流水外鳥嘯
 芳樹夕陽間仙翁或借天
 風便明月瑤笙載鶴還

紫虛觀

在少微山昔傳葛洪煉丹於此丹井在焉

唐道士杜光庭脩眞其地天寶二年建紫極宮尋

改眞聖觀宋治平二年改今名有眞人堂塑鍾呂

二像元至元十四年觀燬像不壞十五年重建有

晚翠樓來鶴亭留鳥亭諸勝宣和書譜杜光庭字

人懿宗設萬言科選士光庭試其藝不中乃棄儒

入道研極至理僖宗臨御光庭充麟德殿文章應

制流輩爲之歛衽喜自錄所爲詩文字皆楷書人

爭得之一日謂門人曰青城方創眞宮工未畢上

帝命我作岷峨主司恐不久於世他日復謂眞宮

成矣遂披法服與門弟子別而卒案陶岳五代

史補以光庭爲長安人蓋羽流棲止初無定所耳

儒以經學名三舍既有悟棲跡於邑之壽光宮動

作語言皆禍福所寓宋高宗遣黃門齋香致禱大

書慎乃在位字授之未幾孝宗受內禪蓋慎乃孝
 宗名也乾道丙戌郡守錢等迎舍郡齋兩月不粒
 食惟日飲醕酒一日端坐而逝昇至天慶觀七日
 顏澤不變越入日瘞少微山虞集紫虛觀記思
 廉師王清烈於觀中投靈寶經每日望太陽吐納
 遂不食暑不揮汗寒不襲衣行步如奔馬而塵不
 驚人各從其東西行皆若與思廉面語及合而即
 之則一思廉耳觀主嘗書火字傲眾取筆改火為
 水未幾山水大至而水所過處土去石存巖穴若
 厦屋思廉常游戲焉有進士從思廉問應舉得當
 否思廉不對而議論輒及經義及試用其說中高
 廉望見遽呼大資後果官至資政大學士其劾治
 鬼物已疾苦尤效自達官貴人至里巷莫不神明
 之歿之日肌骨柔潤云劉基少微山眉巖神仙
 宅記縉雲之山桐溪出焉東南流入於好溪其南
 曰少微之山是為枯蒼洞天有觀曰紫虛山水清
 奇幽邃甌括間無與為比自唐宋以來神仙鍾離
 先生呂洞賓皆嘗來游而章思廉徐泰定即其觀
 之道士也皆以羽化去其事跡顯著人能言之不

可盡也履其地思其人甯不飄然有凌雲之志哉
 觀之南有山曰眉巖章先生羽化之後葬其冠鳥
 之所也今道士梁惟適及其弟子王大每至其
 所必襄回輿感嗟先生之緒不續故於巖旁作室
 以邀先生歲時致享祀而以神仙宅名之夫先生
 神游八表雷霆為輿風雨為駕躡光景超滅沒亦
 安事夫宅哉其或鑒二子之誠心而為之一來不
 可知也故為述其事而繼以歌歌曰幽華兮春菲
 明月兮秋輝仙人去兮何時歸空山寂寥兮使我
 心悲檀為梁兮楠為柱白石承檻兮青蘿為宇攀
 桂枝兮延佇高元無梯兮淚零如雨瑤壁兮丹崖
 鶴晨鳴兮猿夜哀愴兮倚長懷望夫君兮來
 不來挹寒泉兮薦芳芷長烟徘徊兮清風四起洞
 谷谿研兮筍筴盈耳松篁憂摩兮毛髮颯灑采瓊
 英兮琅玕將以遺兮飛鸞眇兮香冥吟環珮
 兮雲端逍遙兮夷猶傷心兮離憂拜稽首兮陳情
 冀神君兮長留采瀛神兮宅銘少微之星煜煜
 垂苾降魄名山充鬱沛霧結為靈和其中含黃覓
 之無形發休吐祥孰其尸之有道之士來涵清甯
 度世不死噉出東方其大如篲我啄其精以洗吾

髓鍊虛凝真惚恍若神冠劍既藏神游江濱豈伊
幻化身外有身出入河嶽下上星辰靈蹤猶存木
老亭仆芳草離離誰復來顧有歸者士父子同慕
皓鶴不來馳情雲輅乃陟崇椒乃建瓊宮羽蓋
輪度或一逢靈風冷然白日正中溟滓無際遐思
何窮況乎遙矚境與心會羣峰攢藍二水縈帶萬
象粲然如列珠貝一獻歌間負超物外巖巖者山
匪仙不名不有元構曷棲其靈水火有鼎龍虎有
經疇非采真浮游黃庭神君捧劍鬼伯持戟呵衛
弗祥固此仙宅法古為碑麟迴鳳翼太史勒辭式
昭罔極 案思廉之卒鑿然有據凡羽化云云乃
道家常語文人沿習用之非可徵實而枯蒼彙紀
云永樂中召高道尋章思廉有周洞微者期以某
日當來如期果至則太涉誕矣蓋永樂五年遣
胡濙徧行天下郡邑隱察建文帝所在以訪仙人
張邈邈為名張章同音因以傳訛耳 枯蒼彙紀
盧仲璠字葆真紫虛觀道士早游名山風標高爽
心鏡虛靜乾道二年六月三日作頌示眾坐小軒
揮扇而逝太師何公偁以詩憶之云不見高人盧
葆真洞前松竹幾經春白雲中斷無雙鶴彷彿悲

鳴是故人 虞集紫虛觀記仲璠徧遊名山終歸
茲觀乾道丙戌之歲年八十一召其徒告之日數
至九九而極矣吾將返於數之所不及也揮手謝
眾即坐化去 劉基紫虛觀記徐泰定嘗遇一道
人口吹雙笛投以丹訣仍贈筆一枝令作水墨山
水隨意為之遂如素習後十年欲與遠游泰定辭
乃留詩別去鐵笛雙吹破曉烟相逢又是十年前
曾將物外無窮意總付毫端不盡傳白髮數莖君
老矣青雲一片我飄然世間究竟只如此何似同
歸洞府天泰定八十餘端坐而化案此記今本劉
文成集不載浙江通志所引如此枯蒼彙紀謂泰
定字虛寂其過雙笛道人開禧初居松陽觀行
庵時餘畧同 枯蒼彙紀葉光大麗水人瀟祐間
寓紫虛觀一日遇兩道人奕於觀後山光大異之
遂求道期以明日詰旦往候不見至晚遙見兩人
在山頂復往求授以一符一咒語曰做得著穿緋
著綠做不著書符賣藥由是遇謁醫者隨意用藥
即見效 劉基吳梅澗墓誌銘枯有高士吳先生
諱自福字梅澗生而敏慧父母異之謂其有仙風
道骨稍長命入紫虛觀從葉邦彥先生為道士及

長德行愈著自達官貴人以至市里細民無不敬
 愛先是觀燬於兵繼作極草率先生領事觀宇燦
 新山水為之增氣性孝友能愛人親在時必日親
 觀省與兄游處眷眷不忍舍弟死則撫其孤兄子
 能讀書早夜勉之既而世昌中乙亥鄉貢世德中
 丁亥乙榜客至輒具酒食不極歡不已同門陳樵
 隱老病先生躬奉湯藥侍寢與數歲猶一日及卒
 為治喪葬其他多類此鄉里之稱仁德長者莫不
 曰吳先生焉故領袖教門垂五十年大咸敬服
 無間言至正十五年冬十月丙申卒年七十有五
 周琦詩少微山上紫虛宮峭壁懸崖逼太空處
 士衣冠聞昔日仙人環佩挹高風雲梯路宿青林
 合丹井源深碧浪通絕頂頂疑香案近蓬萊在望
 翠龍葱劉基紫虛觀周道士還俗多年貧老如
 故元帥石抹公憐其無依復令歸觀就養詩白鶴
 棲青松願與人世違松高風露寒却向人間飛江
 湖無稻梁歲暮將疇依稽首浮邱公涕淚灑毛衣
 浮邱憐老鶴解悟既往非浴以丹池泉照以若木
 暉翛然骨髓清還向青松歸松葉烟葦葦松華霧
 菲菲可樓復可食其樂天下稀如何從鴈鶩喋呷

圖身肥又紫虛觀用周伯溫韻詩少微山直太
 微宮山下樓臺起半空丹井石牀纏地絡瓊牕翠
 戶出天風傳聞仙子常時到應是神霄有路通會
 待九秋明月夜高吹鐵笛上青葱又題紫虛觀
 道士晚翠樓詩晚翠樓子好溪南溪山四圍開蔚
 藍微陰草色盡平地落日木杪生浮嵐巖畔竹柏
 密先暝池中芰荷香欲酣聞說仙人徐泰定騎鸞
 到此每停驂王壽詩夏木涼生紫極宮昔人於
 此悟真空丹砂光轉鰲頭月鐵笛聲飄鶴背風門
 外溪流滄海近天邊雲上赤城通碧瞳道人清無
 事手引寒泉養鹿葱王伯衡詩山下溪流山上
 宮行人來此一塵空神仙遁世多陳迹學士題詩
 有古風泥像不隨朱火變琉璃樓疑與紫微通重來
 城郭渾依舊滿徑松杉翠似葱胡深詩少微山
 下築琳宮遙望觚稜插半空丹井寒泉虛夜月青
 田元鶴幾秋風仙家遺跡心冥會世事多難路未
 通忽見老龍將雨過
 四山佳氣鬱葱葱

崇道觀 在城西四十里祀唐道士葉法善舊名高

溪宋大中祥符中改今名有元泰定中碑葉現崇道觀碑
 栢城西四十里地號高溪溪源十里為聖山故龍
 所窟鄉嘗早護國天師葉公由卯山望氣鐵券檄
 龍甘澤隨應歲以稔告鄉民德之肖師像立廟溪
 西禳禳每效環溪皆師裔緒合詞於朝請即廟建
 觀賜額高溪時開元間也宋祥符改賜崇道案
 栢蒼彙紀謂改名在治平三年碑云祥符未知孰
 是

祥應觀 舊在懿德鄉元至元間蕩於洪水明洪武
 三年徙少微山側

祥禧觀 在城東北十里望城嶺下元至元二十四
 年登仕郎朱愷捨宅為之

報恩光孝宮 案見十國春秋今不知所
 在互詳山水門鳳凰山下

